

泉州府志卷之十五

學校三

安溪縣學在縣治東南宋咸平四年署令宋文炳主簿弭

忠信始建于縣治西南紹聖中令鄭自明直講張讀修

張讀

建學須醫巫卜祝術陋技庫不忘所自拳拳於師事三
若一殆無愧辭夫子之道兩曜二儀羲皇以來管攝在
茲從為正路背則他岐得為中夏失為蠻夷奈何為邑
弗虔厥祠倚歎鄭侯仕學優優念治扶教每思其憂祠
宮圯陋慨然興修官僚協志邑子贊謀百皆具舉鼓磬
弗休煌煌大厦幻化道周展我夙心奉祀春秋俎陳豕
羊籩薦棗棗修登降拜跪宛在魯鄒維此安溪邑泉之西
水鱗玉佩山峻雲梯搵衣藹藹趨向不迷桂籍鵷班序
次高躋新宮告成驪運耄倪鳳髻翠律三峯環峙前列
後擁氣吐虹霓異人穎客鵬冲驥嘶大夫之功高與天

泉州府志

卷之十五

學校三

齊宣和五年令鄭祖德修六年遷于縣治東紹興十二

年令楊幹遷建今所前禮殿後講堂為齋四其後令李

著黃朴紹熙中令孫昭先修嘉定開令趙彥候更立廟

門華表端平開令吳丙繼修講堂真德秀命祀張讀于

堂東作張直講祠咸淳元年令鍾國秀修大成殿增高

二尺梁椿選記咸淳元年季春上饒鍾侯國秀來領縣

竣事亟往視則棟撓矣召諸生告之日禮殿蠹朽如此

無以植教基奈何諸生曰始補葺侯不可命撤之捐金

為倡授匠指畫僚佐邑屬暨職事員致助有差學長蘇
君巍等分董其役增高舊址二尺兩廡各拓如之棟宇
崇宏像設嚴備始事於是歲之臘明年夏五月訖工蘇
公令諸友請記惟我朝以儒立國重道右文尊崇先聖

先師秩之祀典是豈徒循舊比哉上下四方之宇古往今來之宙非此一脈行乎其間人之類滅久矣夫子之道固不以廟與廢為存亡然示學者之依歸尊正傳之宗主賴有此爾今為吏者惟知簿書期會之閒上以督責為功下以趨辦為能至有漠視學校如傳舍者先師之居頽弊摧壓漫不之恤風俗日卑人材日陋莫有知其故者鍾侯於邑焦熬不憚樽節與此鉅役是則可書也已
元至正閒教諭王吉才

修十四年燬于兵明洪武六年郡人蔣宗禧主學事募

建十四年知縣侯士舉踵成之前廟後學左右為博文

約禮二齋尊道崇德二室廓射圃以合於學蔡元記泉州屬邑有

安溪柴周顯德中始立縣迨宋咸平始建學厥後學翦沿改靡一紹興壬戌始定今基据鳳山瞰龍津其外則三峯拱峙爽塏而端夷誠美地也前代因之歲在甲午盜獠境內遂燬于燹滌滌然為狐兔墟甘寒暑矣明洪

泉州府志

卷之十五

學校三

二

武三年庚戌制天下開學校選儒師置弟子員郡邑守臣祇奉德意乃壬子八月泉檄郡士蔣宗禧始教於茲學既而顧瞻荒址惕然嗟曰夫學者教基基弗飭則不足疎人瞻仰而嚮慕今也聖師攸宇栖神無所師徒講肄亦窘爰處教其無攸施乎亟謀于邑聞于郡府倡于義而好禮者徵材僦工輸力協作弗蓄翳屏瓦礫因舊址以營新構始於癸丑八月先築齋舍一俾誦絃者粗有所安輯九月櫺星門成明年甲寅禮殿成先聖及顏子至子張為像乙卯神門又成獨兩廡洎明倫堂未克就會邑有警而息阻厄靡承始復五稔十三年庚申諸生邑人告新令侯士舉仍強于宗禧明年辛酉兩廡成七十子迄傳經儒先作繪六月明倫堂亦成翼堂為室二左曰尊道祀周程張邵司馬朱許八賢右曰崇德祀始立縣及有功于學者析齋舍新而東西之曰博文約禮廓射圃合於學以為一扁曰觀德前闢廣路俾面勢曠平而直方完以庖廩周以繚垣丹雘黝堊質文適中木看瓦甃必擇堅好輪焉奐焉有光舊觀九月壬午朔邑長二率諸生邑人祇謁殿庭告厥成功耄倪環學門

觀者莫不歆羨咨嗟以為不圖復覩斯學之盛宜勒豐碑觀垂不朽元末學謫辭不足稱述盛事姑以歲月表著如
永樂三年知縣陳善寧重修錢俊記安溪邑庠

在縣治西南迄今更歷兩遷初于縣東者宣和六年也再移本學者紹興十有二年也厥址背鳳山面三峯前有禮殿後則講堂舊為齋四嘉定間趙彥侯來尹是邑而更立之廟門華表皆所作也端平中吳尹丙又開講堂五間斯其遺制也自入天朝洪武初乃設學校輪奐一新殿堂之制仍循其故齋損而為兩左曰博文右曰約禮爰建底今經三十餘年歲月之駸風雨之集齋宇傾圯俄甃弗完暨諸垣墉階砌舉亦摧毀生徒昕夕居處匪遑寧也永樂甲申聖天子踐祚之三年慮中外公宇不整久將頽仆冀於限治命所司度其用以時修葺之金華陳公善寧實尹是邑爰以育材之地為急少尹三陽戴公玠古閩宋公和幕司保定趙公顯僉而謀之衆論畢協遂掄材鳩工始於齋舍次而殿廡堂階廉楹戶牖悉為修治弗損者不逮焉尤慮公用之不給各捐

泉州府志

卷之十五

學校三

三

俸資以益之俾民無勞擾復詢典教之官率生徒董其事不數月而告完昔之歆者復腐者易闕者補棟宇巍然庭殖楹桷塗墍而新無復風雨之患從事於學者將紀其事於石命記於俊竊惟庠序者風化之本原為政之首務所以明人倫廣教養以為造士之階也前乎千萬載之既往後乎千萬世之將來舍此莫能治者上自國都下及閭巷莫不有學唐虞三代以來蓋已皆然為是故耳安溪為邑居於泉望民俗殷富山川鍾秀代不乏人使教育之所弗窺乃居欲其全美亦惟艱哉昔文翁化蜀以興學一事照耀簡冊為萬古美稱矧閩南文獻之邦非若岷山導江之比庶而富富而教詎不在茲乎雖然弗克欽承聖天子明命于上曷以倡其端微合尹而下以興起斯文為已任亦孰能成其事而今而後菁莪耄彥弦誦于斯游息于斯以樂其所樂而將為他日大用於時顧不偉哉後媿疎謏不足以旁撫其實姑錄其顛末如此庶俾來者有所考焉是為記
正統十二年僉事陳祚知縣路亨建殿廡戟門櫺星門遷明

倫堂兩齋于殿西建饌堂于殿東建米廩于明倫堂後
成化初提學游明徙櫺星門于戟門前十年知縣谷廷
怡增建齋舍十八年署縣事教諭盛鳳儀修齋舍增建
號房饌廚正德六年知縣王廷佐修明倫堂建神庫神
廚宰牲房于禮殿東北正德十三年知縣張俊修兩齋
未完教諭鄒魯成之十六年知縣龔穎徙學門改建福
民祠于櫺星門外史于光記學校古也人才學校之淑也學校興人才成矣安溪有學始於
宋之咸平更於紹興燬於胡元重建我朝開國之初至
正德辛巳修改凡五興廢之間人才升落之機也辛巳
規制尤展殿堂齋舍廩庫經史閣諸亭惟舊之葺而學
之門繇道諸坊及福民祠之祀名宦鄉賢者悉改而新

泉州府志

卷之十五

焉學門繇道之地舊以頽廢半入于民居茲復爾泮宮
坊峙于學門之外福民祠翼于櫺星門外之東道出通
衢之交儒林文苑騰蛟起鳳之坊表焉巍峩飛躍有華
觀仰蓋繇學宮第一關也士子至是其有不興乎迺而
之泮宮坊益竦然跂矣進而展拜于夫子之庭執業於
明倫之堂則廟美在望儒珍滿前能無溢情以嬉乎興
來之始也跋欲之基也嬉得之輿也漸之涵之依之游
之士其幾矣君子曰山有雲澤則通之林有木春則茂
之士有學知本者興之士之氣在鼓鼓則通興學所以
鼓之也興之者邑令龔穎教諭鄒君魯訓導徐君耿生
員蒲生香也學左瀕溪善崩嘉靖八年知縣黃懌繼修併闢

射圃改福民祠為名宦鄉賢祠十八年知縣殷棻遷名

宦祠于縣治譙樓西顧垣為記天下府州縣名宦祠皆

祠揆厥所自緣時或窘於無財或惜乎民力或一時倉
卒未暇較量故混作一祠且制作卑陋狹小殊失我朝

尊崇之意嘉靖十六年冬殷侯蒞任拜謁其祠見其制

度卑陋狹小且與鄉賢同處乃愀然不安欲即改建蒞

任未幾連歲欠豐未敢以輕舉也至十八年孟春謀諸

邑之士夫耆老計無所出至孟秋乃自捐俸資鳩工集

木不取官帑不用民力不俟旬月豎立於縣治之側倏

然成功祠大三間夾以兩廈前中六門又前小門周圍

垣牆皆煥然一新誠足以安神妥靈而可伸尊崇之敬

也工成邑之庠生環祖蔡志學耆民劉李標等詣

子請文以記之子方老病林下耳聞盛美可無言乎竊

惟守令之職治民事神而已殷侯至安溪慈祥愷悌節
用愛民無忝於治民之任恭敬誠恪不忽鬼神無愧於
事神之責允矣當時賢令尹也今觀此祠之建區畫周
密軒豁高爽排立名位神其孔安春秋奉祭誠無不恪
誠陋在昔之制作而極今日之尊崇其殆於詹公祠相
為永久而並美焉然侯之功非正於是至若城隍廟宇
之重建學校牆宇之修飾及壇場牌坊悉為改觀皆曠
世之制作矣故併及之侯字文範
別號疊泉江西南康府星子縣人二十一年署縣陳堯

典倡議二十四年知府程秀民知縣汪瑀移于右僉事

余曠拓以民地即以舊射圃地丈量兌得基址始正有

年祀安侯學自宋咸平始更於紹興燬于元重建于皇

明永樂甲申至正德辛巳凡五興廢矣嘉靖癸卯郡倅

陳侯署邑事邑多士以學基弗利為慮欲改請于舊基

之西當道可其請適郡守程公秀民蒞政之初歎曰安

靈栖士其固若是哉吾將圖所以弗病在民弗替在學

徐徐而舉之率諸生復請之大巡趙公應祥又許可越

明年丁未僉憲余公曠領兵禦寇過安邑雖戎事之費

尤介注于學校以舊之射圃易偏民廢地而宏拓其基
至戊申適安溪令汪侯瑀來毅然以興學為已任捐俸
餘酌羨經費其物酬庸而不作焉禮殿翼翼倫堂言言
啓聖祠宇廟門庶閣坊表神扁肄舍官所與觀德公儲
之地內外位置皆弗爽於制諸弟子肅然瞻依藹藹絃
誦游息於聖人型化之下希聖希賢的有所趨矣不亦
大改觀乎工之作也作於嘉靖乙巳畢於戊申博士李

君鑰特請余記余嘗修安邑志於學校論制宜廣教用
學所以型囿羣髦式端化原講明聖道以續堯舜周孔
道學之傳與天壤並夫豈細故也哉今安邑潮學倚鳳
山瞰龍津被故而收之泰鍾靈萃淑碩德奇才彬彬
焉改學興廢殆其然歟王慎中記國家承平久矣而康
阜之盛莫如今日雖嶺限海帶越嶺邊徼如吾泉州之
爲郡亦且生齒蕃殷地力竭作谷深山阻崎嶇而曲折
皆有保聚之民墾闢之壤而玩忽涵養之過巨奸大慝
往往伏其閒如果蘇大熟則蠹藏焉安溪故名邑也其
治境窮處爲白葉堡交乎漳汀諸州犬牙相入菁薄溪
礮繚繞回復旣去治所遠而勢險可憑民傑黠暴悍者
穴而據之爲四遠逋逃之藪時出抄旁近村落吏漫不
省以爲細故日增月長所聚旣多旁近所抄不足滿貪
時則再剽旁邑南安永春間而同安之剽尤劇至曳兵
行城市間巷中若踐無人之地俘民男女以爲質而邀
贖賂兵革久弛不逞之警起於非意游徼虞侯之將卒
眇弦相日眇其得意去而已柏坡余公新以按察僉事
來此觀郡慨然歎曰是非民之不逞惟吏不戒以養覺

泉州府志

卷之十五

學校三

六

萌而滋悖孽乃察文武吏之情濫不恭者懲之而選其
可用使各募壯勇從公率以往追賊所穴而舍焉自賊
憑險爲穴無一兵敢邇峒竊覘不虞公至急不擇死糾
黨與將吏鬪而公授策探穴林櫛壑薙不失一賊行眇
穴處度所以絕其源而圖久安置壘設戍增守禦之兵
而安溪與旁近諸邑之民不復憂盜可謂功偉而慮周
猶不慊於意曰是徒致武民未武知維詩書絃歌馴習
其耳目以善其心庶其鼓動變化乃投戈休馬卽學宮
進子弟考得失加勸董焉而教以爲父子兄弟者使歸
相告語論勉於從善以相收養而無狎於不義顧惟教
之所出必在於學適有議改枌而上久不就公覈其媮
眉旬月而諸役皆起又爲拓地以廣面勢而學完以美
民莫不于于來觀其秀者思游其中以講學進德其凡
者亦歡喜誇說見所未有安溪之民幸脫於鋒鏑枹鼓
之警而且得講誦游歌之樂諸公實有大造於我也父
兄以戒子弟公德我如其何以報子弟以告其官司
相與謀曰唯得世之能言者論其事而載之庶乎其可
夫世未嘗無事而常待夫濟事之才方同安之警憂者

固未敢處其勢之所終公獨以身任責爲民去患不數年伏誅逋寇靖於一旦使當時少憚勞險不自深入則不可以得吏士死力徒奮一入而無決勝之機戒令二三賞罰淆雜則吏士雖致死而不可以成功功成矣而無分別安輯之畧則賊雖得而不免玉與石焚之慘人徒見公成功之敏而不知其所以致之者蓋其才有以待事之變而然也才之兼者可以制事功未可以興化教公用意復出於是究其施將使文教昭明禮義興起以爲畜衆銷萌之機而向者卓然之勞烈可以永措而不復設又非獨其才之過人而已是可記也公本以名進士起家爲行人拜給事中以抗直忤權力謫爲邑令郡丞皆有廉操惠政宜其過人如此 三十五

年知縣王漸造建敬一亭啓聖祠莊用賓記安溪縣有學自宋咸平始嗣是

沿革不一國朝洪武六年詔天下郡邑建學立師安溪如制正統年修正德又修率皆苟簡易餽倡之有其人而爲或弗力是故力爲之矣而勢或見阻廟宇不足以妥神棲游息不足以居士業士無所勸而民不知教樹

泉州府志 卷之十五 學校三 七

石紀實建議於博士王國善弟子蔡志學林彥佳蔡志孝劉大鴻吳登吳主恕等奉行之爲邑侯王君敝成績也王君漸造誠篤君子造次不能以辭自達而內有條理茲政則首務學校規模儻前人創爲之者事方大槩而制多未備公議不煩於衆而費不及於民捐廩俸羨鳩工聚財俟以歲月而成之以漸文廟翼應倫堂齋舍拓其規也啓聖文公二祠養正書院鼎其新也鄉賢敬一亭飭其舊也是雖窮山僻邑望之歸如察之密如當與上國大邦鬪盛爭侈者矣嗚呼事有似緩而實切理有相反而實以相成腐儒俗吏皆未之知也衛靈問於孔子曰俎豆之事吾嘗聞之矣陳亦爲國之所不廢矣夫子之意如後世傳註所云則當時國君之不用豈特其君之過哉孟子曰壯者以暇日修其孝弟忠信則可制挺以撻秦楚之堅甲利兵矣知孔子者孟子也俎豆非所以爲軍旅而軍旅之精義必於俎豆乎得之習爲孝弟焉習爲忠信焉何但駿奔末節之閒惜乎靈公之不深究其旨而夫子之意遂不白於後世安溪在縣治之西而白葉坂一帶又漳寇出沒之所百姓秋收之

後則束包以待走自余分巡曠躬除以來閭閻晏然不聞有干戈之警一時之兵威豈直勝數百年之戾氣意者其有資于學校者乎學校也者俎豆夫子之地而師之所教弟子之所學非出於孝弟忠信之外人人孝弟變詐之習不作而和順之風大同則盜賊亦人耳豈不能漸馴其暴氣而默革其非心哉夫以平日傾燬不治之所一旦改觀易視過之者猶聳然動其心况士子之朝夕游泳地其有不感發興起者乎進而相觀退而相訓孝弟忠信之化吾知其泯泯乎大行于一邑而夫子在天之靈必陰幹德教於冥冥之中安溪寧靖之慶豈固國築城屯兵之所能專哉夫子嘗曰有文事必有武備是故不谷問陳之意也余公兵憲也以武備為文事王公牧職也以文事為武備二者相資長久之術也學基在縣治之東南枕鳳山而瞰龍津前峙筆架三峯最為秀拔痺陋不修久矣議新之者府倅陳公堯典也主為之者郡侯程公秀民也余公曠行部至縣又拓地以廣面勢而始終成之者皆王侯漸造之功也侯字履一番禹人邑義民如林宏林岱吳正吳甫陳恩等各以所

泉州府志

卷之十五

學校三

八

助金分董其役而三十九年燬于寇隆慶元年知縣蔡訓導孫統督理之

常毓陳綵相繼重建

傅夏器記惟文教關於天下雖以兵燹之餘剝困之極不可一日弛

嘉靖末倭賊煽亂延蔓陬薄安邑文廟學舍燬涖茲土者循故事禪興作祀位具於頽垣講座鞠為茂草文教罔乎若蒙矣陳侯綵涖政於茲志決而勤事練而簡捐俸出帑治材鳩眾往者營廟之資或以千計侯直廉金百八十餘往者營修期或以一二年侯直數月而卒事地仍舊址其貌維初教椽舊法其令維新周旋俎豆威儀翼翼樞衣升堂冠裳楚楚對揚天人開闢謨訓豈非太平盛事也列聖道學垂統先賢講德立教地緯天經映今輝古無亦惟是一脉以綱紀人心必惟瘡痍之甫定是曳是掣而曰用文之奚而不喪也昔魯泮修而史克作頌晉雍啓而王廙攜辭學博諸生慶茲盛美同言侯績其敢為記以頌侯美以勸勉邑諸生興起於聖人道之萬歷四年知縣俞仲章修仍建名宦祠于學東舊址

十五年知縣馮時鳴作泮池于櫺星門外

詹啓東記聖天子握歷之

十五年金陵天衢馮公實侯茲邑嚮意廣勵諸士諸所
經費毫不少怯顧泮池未有尚為曠典金谿車君來視
學篆復以為請侯曰我責也聞當道報可則筮吉鳩工
併辰數力規之斷之疏之拓之既磊壘之又埏埴之閱
再弦朔池遂告成水滾滾大集邑人明庵氏曰臨斯池
也觀斯水也有遐思哉夫水出山下為蒙在澤中為困
斯池斯水濬而導矣蓄而達矣其起於蒙困而成於亨
無疑矣自是雷出水則霖雨解天地之元氣風行水則
漣漪渙宇宙之至文水由於地則珍怪比以伏藏水上
於天則神物需而飛躍此泮池之極觀也泮之中土之
宮泮之滸士之所將些窳若頽瀾唯士將矜奮若感沸
唯士將澄不清淆不濁唯士將掘泥揚波唯士泮池重
士乎士重泮池乎諸士子樂賢父母師保之
能相與以有成也且有味乎明庵氏之言也
三十三年

知縣高金體移名宦鄉賢祠于殿左改舊址為省牲所

泉州府志

卷之十五

學校三

九

三十九年署縣事孫文質修大成殿并東西兩廡四十

八年知縣王用予修明倫堂及諸應修處至天啓元年

竣事

國朝康熙二年攝縣事同知來承祉重修廟殿儀門兩廡

黏本盛記畧清溪為溫陵望邑山川區會先儒之所過
化人醇風朴學宮建於邑內城南邇歲兵燹類仍櫺宇
傾圮蒿萊叢生有司鞅掌簿書倥偬戎馬間未遑過問
康熙元年壬寅秋郡侯司馬來公攝視安篆甫至謁
先師文廟四顧瞿然曰是豈所以崇聖人而敦名教哉
遂重捐俸金率諸學長鳩工庀材百爾偕作殿堂門廡
甍垣之屬皆繕葺崇奐巍然一新不動公帑不傷民力
都人士嘖嘖謀勒石以誌不朽羣請序於余以余起家
安庠今又知公有素也來公諱承祉號駢莠高陵
人贊其成者關侯宏異博士孝廉張晃段有綵也
十二

年知縣謝宸荃重修明倫堂二十五年知縣孫鏞教諭
林登虎邑人李光地重建五十年知縣鄆湜五十一年

知縣曾之傳相繼修建雍正元年知縣邱鎮繼修八年

知縣趙琳率邑人李鍾準等修趙琳記畧我 皇上

聖右文德化不於陬滋聲教訖乎海隅御極以來尊師重道崇

府州縣修葺學宮典至鉅也安人士未克成議者久之

歲已酉余宰茲邑與學師暨紳衿新之庚戌子月經始

辛亥陽月竣功登登其杵坎坎其斧繩之墨之鑿柄枝

梧載暨載塗黜亞丹獲寢廟廟庶儼雅清潔門庭牆仞

望之生敬從此鼓篋來遊樞衣請學者濟濟莘莘益以

廣教化於無疆矣乾隆二十年知縣莊成倡修莊成記畧在昔

廟歲久傾圯其大成殿兩廡戟門櫺星門及騰蛟起鳳

等坊俱經貢生李鍾準監生林汝舟生員吳徽猷貢生

泉州府志

卷之十五

學校三

十

王忠輔諸人分任興修越今二十餘年復經剝落余欲
集紳士議葺而李君鍾準王君忠輔等仍各慨然以為
已任而汝舟孫啓春徽猷子報瓊等咸願襄事適生員
陳毓鏞獨力鼎新崇聖祠其柵欄照牆余亦勉力修葺
焉夫治政之得失視乎學校而學校之興廢關乎人文
今李君等踴躍急公終始不倦也如此則此邦人士其
皆仰體朝廷崇儒重道之意以培菁莪棫樸之化能無厚幸哉

位次陳設祀事儀節制見 府學

崇聖祠在訓導宅左詳見上祀典 位次見府學

教諭廨在明倫堂後

訓導廨在教諭廨之左俱詳 見上

生員額

廩膳生員二十名增廣生員二十名附學生員不限額歲科兩試每次取進二十名武生歲試取進一十五名

學田

八閩通志宋紹熙中令孫昭先斥廢刹之田以贍士隆慶志宋嘉定間縣令陳宓始撥上乘廢院田以贍學廩計八百二十六石周令肆復添撥絕戶田租價共一百五十貫按舊志初撥同安松柏庄八十石新康杉坂庄及挑段田共種子一十七石崇信里租一百二十石新溪里租五十石常樂里租三十五石今廢萬歷志萬歷三十九年永寧衛軍林俊泰與羅養仔爭告丈出溢額田四畝二分本

泉州府志

卷之十五

學校三

十一

府推官伍維新撥為學田坐龍涓還集二里縣志

國朝康熙二十二年總督姚啓聖捐置姚興儒民田五斗

三升坐永安光得二里以上除納糧外分給社師貧士

福建通志原額田實在八畝二分年徵租銀三兩康熙

二十一年總督姚啓聖捐置田九畝九分零按通志所載與縣

志互異

名宦祠在縣學東詳見上計祀名宦肆拾伍位

後周詹敦仁縣令

宋謝履縣知

宋文炳縣尉

楊幹 知縣據隆 萬二志

江默 尉縣

龔晏 知縣

趙彥侯 知縣

陳淳 主簿

顏振仲 知縣

朱牧 主簿

元呂桂 縣尹

明蔣宗禧 教諭

泉州府志 卷之十五

潘靖 知縣據隆 萬二志

方汝榮 知縣據隆 萬二志

黃著 知縣

鄒魯 教諭

黃懌 知縣據隆 萬二志

夏建寅 知縣

王賢卿 知縣

許自表 知縣

孫昌祖 教諭

黃朴 知縣

孫昭先 知縣

陳宓 知縣

周瑋 知縣據隆 萬二志

許君佑 主學事

鍾國秀 知縣據隆 萬二志

黃穎 尉縣

林廣發 教諭

戴玠 知縣據隆 萬二志

學校三 十三

路亨 知縣據隆 萬二志

盛鳳儀 訓導

李銳 知縣上二位隆萬二志俱載新縣志闕

龔穎 知縣

殷棨 知縣

高金體 知縣

蔣日華 知縣

周鳴鑑 知縣

國朝范承謨 福建總督

李斯義 福建巡撫

金培生 福建布政使

沈涵 福建提督

徐騰鯨 知縣

韓曉 知縣自詹敦仁至此凡不注隆萬二志者

皆據新縣志

蔡祚熹 訓導據名官傳補

名宦專祠附

詹公祠 一名開先廟 在縣治鼓樓東祀五代開先縣令詹敦仁

宋咸淳閒朝命賜額靈惠 宋陳宓題開先廟高標千載有誰攀風雨祠堂尚一閒寄

語當年詹令尹吾今亦欲早歸山 明正統年間知縣潘靖嘉靖年閒知

縣黃懌繼修後其裔孫源源子仰庇葺而新之 明黃鳳翔重修

泉州府志 卷之十五 學校三

安溪開先令詹公祠記安溪之建邑置令也自詹公始公為令多惠政尊棄官卜佛耳山居焉人稱曰清隱先生公既去而邑士民追慕靡諉為立生祠祀之蓋在五代周顯德之世云迨宋咸淳中邑人以災旱禳祈故神公靈響請于朝得敕封靖惠侯賜廟額曰靈惠公始墨綬終巖壑生為名德沒為神今直稱曰開先令者邇昔士民意也蓋漢文翁終于蜀吏民為立祠堂歲時祭祀不絕而元始詔書特勅二千石率官屬行禮以示風勸北海宋朱邑病且死屬其子曰我為桐鄉吏其民愛我必葬我桐鄉後世子孫奉嘗我不如桐鄉民已而桐鄉民果為立祠起冢虔伏臘祀今公有遺祠下協人情上膺朝命所由來日久公裔孫或居郡城或居邑里或居佛耳山之陽耕者敦本業讀者狎弦誦甲第賢豪斌斌嗣奮其二十世孫憲副公念廟貌弗稱舉義重興之規制宏廓輪奐輝煌詳具關廣文記中嘉靖之季邑遭寇亂祠遂毀于兵燹今司寇君憲副公仲子也自釋褐歸伏謁祠下顧瞻徘徊喟然歎曰揚祖烈嗣先志是在不肖方今公私罄匱其何敢以累公帑煩族人復自捐

貲重建顧力絀未備沿之將四十載復寢寢隨剝矣萬
歷辛丑諏吉鳩工扶傾葺圯堂宇一新敞以門樓翼以
廊廡奕然壯觀猶曩于是公靈響益著益存諸春秋俎
豆于公堂者亦益燁然祇肅矣夫元始詔書第一時令
典耳而公祠宇祀事易數代如一日卽廬江諸邑所不
能必之子若孫者公獨不費恆營奉嘗百世若持券而
掇之此其垂庥衍又崇信里佛天山有詹公祠祀敦仁
慶一何悠且遠也

子珙

廖公祠在縣治西偏

國朝乾隆二十二年知縣莊成重建祀唐大順中邑長官

儼儼於邑有招集流民功邑人德而祀之

按縣更有廖公祠祀明知

縣廖同春今廢址無考

泉州府志

卷之十五

學校三

古

陳令尹祠在縣治鳳池橋宋嘉定閒令趙彥侯建祀宋縣

令宓

楊令尹祠在縣治前祀宋縣令幹今廢

三賢祠未詳所在宋令吳丙建祀前縣令陳宓趙彥侯周

肆

二賢祠在縣學西祀宋縣令鍾國秀主學許君祐今廢

余邱二公祠在縣學東祀宋縣令余克濟大理寺卿邱迪

嘉

鄉賢祠在縣學東

詳見上

計祀鄉賢壹拾伍位

宋張 讀直講

余克濟知梅州事

連三益廣州倅以上見隆萬二志

邱迪嘉大理卿

鄭思忱知南恩州事

明李 煜南豐知縣以上據縣志

詹 靖正統舉人開州同知隆萬二志俱作南唐

時人查南唐時有詹珙而無詹靖縣志作明時人為是從之

詹 源雲南按察副使據萬歷志

李 瀾衢州別駕

詹仰庇刑部侍郎贈尚書

李仕觀保昌縣知縣

李 棊雲南按察使

李仕亨嘉興府知府

李 璣儋州學正以上據縣志

李 亮淮府長史據隆萬二志

泉州府志 卷之十五

鄉賢專祠附

學校三 十五

忠勇祠在縣西北還集里宋紹興閒里人建祠宋義勇鄭

振振以紹興中禦寇而死鄉人祀之

孝子祠在縣北產洋保祀

國朝孝子李道齋訓掃

榕村祠在縣北閩山麓祀

國朝大學士李文貞公光地

忠義孝悌祠在名宦祠左

國朝雍正四年新建乾隆二十二年令莊成重修內現祀

神主式拾捌位

五代劉乙賢寓

周朴賢寓

宋鄭思永篤行

陳與桂鄉薦

明謝宏蔡虛齋弟子

鄭陞布衣孝友

林鴻儒諸生孝友

林復春七品冠帶

泉州府志 卷之十五

黃時清布衣孝友

林興

林昌布衣好義

詹仰憲布衣好義

國朝李先春布衣孝義

周思彥布衣

王中夏布衣孝友

詹琲賢寓

林德秀布衣善文

高鳳崙蔡虛齋弟子

吳煜布衣好學

李檝蜀府典膳孝友

李却峇孝友

學校三 十六

劉柳義官

李炳樂善好施

黃大任布衣孝友

梁大磐布衣好義

陳九府布衣篤行

張有勝布衣孝友

李夢植布衣好義以上俱據新縣志○另有宋鄭

振死難義士 國朝李雲永孝子現祀晉江忠義孝悌祠應移入本縣祠內崇祀

節孝祠在忠義孝悌祠左舊在縣治東

國朝乾隆十八年令周緝敬移建今所內祀神主肆拾貳位

明貞節詹璣妻林玉脩 節孝陸大妻何觀奴

貞節楊魁杰妻詹氏 貞烈林泗妻李純香

貞節李仲良妾林氏 貞節庠生王桓妻李玉真

貞節王桓妾洪氏 貞節王輔妻黃氏

貞節黃鶯妻蔣氏 貞節詹鳳翔妻黃大娘

貞節黃代妻林氏 貞烈黃琮妻謝氏

貞節黃願孝妻謝氏 貞節黃龍標妻許宗恬

泉州府志 卷之十五

學校三

七

貞節詹仰賢妻黃氏 節孝林鴻賓妻黃氏

貞烈李鏗妻林氏 貞烈林超南妻黃愛玉

亡名氏女 此係晉江安海人誤載安溪已經辨正詳見傳

貞節謝志禮妻陳大娘

貞烈許志超妻葉坤隨

貞烈張問行妻李氏 貞節吳鳴明妻王氏

貞節陳耀聰妻王氏 節孝詹鹿鳴妻謝添娘

貞節陳彬野妻徐氏 貞節林鳴盛妻鍾氏

貞烈龔貞妻謝氏

國朝節孝李蜚碧妻洪氏 貞烈柯仲妻殷氏

節孝彭元上妻黃氏 貞節唐邦拱妻黃氏

貞烈亡名氏女 節孝傅嘉祚妻吳氏

貞節翁懿宗妻連氏 節孝翁肇基妻施五娘

節孝施五娘媳黃氏 貞節謝復淑妻劉氏

節孝李際炅妻林氏 節孝李培岳妻陳氏 林媳

節孝李文脫妻葉氏 貞烈陳宗左妻吳氏 以上皆據縣志

書院義學

鳳山書院在縣西鳳山宋朱文公簿同安時嘗按事安溪

泉州府志 卷之十五 學校三 六

登鳳山通元峯題壁 詳見山川 明正德十六年知縣龔穎

鳳山庵 庵名 為祠塑像奉祀 鄒魯記安溪縣治之西一里許有庵曰鳳泡枕山臨

溪形勝佳絕自宋以來緇流據之紹興中我晦庵朱文公來簿同安時以按事留縣三日極愛縣之泉石奇峭

謂絕類建劍閒山水佳處往往發泄於吟咏之間嘗於庵題句則公之精神蓋與安溪之山水相為流峙而其

過化之跡所以使吾人之景仰者至今猶昨也正德已卯冬吉水龔侯穎以鄉進士來尹是邑銳精圖治百廢

俱興歲辛巳以修縣志稽其詳慨然有感乃偕魯輩詣庵登眺喟然曰斯山斯水其吾道文明之勝槩乎吾當

祛左道植名教俾我文公之神化不徒想像於無象也於是改庵為朱文公書院排其香火諭其徒而遷之堂

牖門廊之類闢其舊而增新之肖像于堂中易顏于戶外丹雘黝堊煥然聳瞻凡四方使節之經臨無不下車而稽顙也既而祀典宜崇神棲宜潔復請于監察御史

王公以旂歲舉常祀二以崇報功之意僉門子一以供

洒掃之役而儀門規制於是乎悉備矣業成屬子記諸石竊惟我文公繼往開來之功垂憲後世雖窮鄉下邑靡不尊崇而祀享之矧道輟躬臨警效如在非若他方之遐想而慨慕者則隆之以特祀固其宜也舊有仰朱堂之祀久而遂廢顧使名山秀水為異教所專非直吾道之不興亦斯山斯水之不幸也自是而後雖樵童牧豎皆知有我文公過化之跡而逃邪反經之念興焉然則侯有功於吾道也豈淺淺哉殆將與山之高水之長而並景仰於千百世之下矣是役也坊耆民吳君標督幹惟謹不可沒其勞庸附書久廢

紫陽書院

即今學地

明嘉靖中提學副使邵銳議建監生吳輝

捐地知縣黃懌成之以宋縣尹陳宓簿陳淳一門人配享後以其地新建文廟

養正書院明嘉靖三十五年知縣王漸造就 啓聖祠前建

泉州府志

卷之十五

學校三

十九

文公祠祠前為書院中為正堂講所翼以四房前庭東西兩廊列房各五間三十九年燬于倭寇

考亭書院在城隍廟東

國朝康熙五十二年知縣曾之傳捐俸就文昌祠拓為書

院移文公祠祀焉

祠舊在學左

買地于後移祀文昌復拓其

前為敬業堂以課諸生立仙苑石碣

碣高四尺許鐫字大於斗缺書者姓

名或以為文公筆舊沈于薛坂渡明隆慶間漁人得之置溪岸今移立于此

又置田租六十

棧為香火之資

李光地記昔朱子舉進士筮仕同安西北壤接安溪故朱子嘗往來安溪道中

喜其山川幽奇以為絕似建陽佳處有詩在集中可檢也光地於乙未冬告休抵里拜邑父母曾侯寓其新落

文昌祠中因請侯曰俗祀文昌蓋古者司中司命之遺
雖然星辰河嶽必以人配五百年來朱子人師也今
天子崇重之優風聞天下學學者知所嚮往地之歸也取
道西江凡玉山鵝湖朱子信宿講論焉者其守類能修
舉吾邑爲朱子奉檄往來品題名勝之區法得立祀非
其人不興也其有待於吾侯乎侯曰茲吾素志也舊有
祠在庠東湫陋傾圯侯乃捐貲買地於文昌祠後架後
堂以棲而以中楹崇祀朱子考古衣冠用上公冕服祔
食則復齋北溪兩先生皆南郡產也又拓其前爲敬業
堂躬與諸生課業講藝蓋志乎續朱子之墜緒而非特
復宇生香循春秋之故事而已祠成邑之人士感侯興
起倡明之意相與請余記其事以示來者余惟侯之派
自東魯宗聖而南宋南豐先生亦其別族也文行之承
遠有端緒則其爲政而知所先後也固宜考平生爲學
精察力行謹守曾氏家法其文章則一以南豐爲殼率
然則侯於朱子之道所爲歸而求之有餘師矣明道先
生爲顏亭銘曰千載之上顏惟孔樂百世之下顏居孔
作蓋有取乎淵源世講相爲表章之義余於侯之茲舉

泉州府志

卷之十五

學校三

二十

亦乾隆二十二年知縣莊成重修建敬業堂前兩廊及
大門

正音書院在考亭書院內

國朝雍正七年奉文設立

義學在城隍廟西

國朝乾隆二年知縣王植邑人謝元吉建置田租二十二

柸爲膏火資於前門旁直店屋二閒年收稅爲修葺之

費十五年知縣辛竟可復倡建膏火田租四十九柸勒

石堂左竟可自爲記聖天子尊經崇道興教重儒涵
漬薰育蒸蒸日上所至雖窮陬僻壤莫不戶

詩書而家誦讀矧安溪為前哲過化之鄉先達講學之所乎哉今歲春王正月竟可視篆此邦與民吏相見讀法外詢知邑外東偏舊有義學迺前令王公植同舉人謝元吉所建而館穀微嗇難以佐肄習之需於是捐金三十謀之同官及紳衿士旅共助白金二百一十三兩有奇買田租四十九椽時付義學師管掌以給逐年膏火之費既具文申憲入案恐年久湮遠詭匿作奸因載於碑以垂永久

成繼拓學舍置田租二百三十四椽清舊租二十四椽

成自為記清溪義學肇建於前令王君植而膏火田租則續置於辛君竟可者也二君之為清溪人士計者不深且遠哉予踵二君之後來莅是邦瞻仰之餘曷勝企慕第念生徒濟濟而舍宇淺隘不足以容多士因與地方紳耆謀之倡先捐俸而樂輸者源源相繼爰召匠與工添蓋講堂門道廂房迴廊共計十有餘間約費白金五百餘兩邑紳謝元吉協力完竣由是諸生藏修游息各有其所又念膏火不敷并清出舊租沒於佃租二十

泉州府志

卷之十五

學校三

三

四椽更續置新租二百三十餘椽今而後夏絃春誦聲徹於龍津鳳麓聞吾知異日者人文蒸蒸日上當亦王辛二君所心折者歟其田畝細號及樂輸姓氏已刻碑陰

待御社學 在縣治西隅嘉靖八年知縣黃懌以四聖宮改建十四年知縣周鼎增建

彙征社學 在縣治東隅嘉靖八年知縣黃懌以錢江庵改建十四年知縣周鼎增建

會元社學 在縣治西北隅嘉靖八年知縣黃懌以立壇宮改建三十九年燬于倭寇

石堂社學 在長泰里 羅洋社學 在長泰里

厚安社學 在永安里 埔墘社學 在永安里

獅子社學 在光德里 真覺社學 在光德里

橋頭社學 在新康里 赤嶺社學 在新康里

官橋社學

在依仁里

下湯社學

在依仁里

歸湖社學

在依仁里

楊舍社學

在溪里

吳庄社學

在溪里

源口社學

在龍興里

上坑社學

在龍興里

溪尾社學

在崇善里

店尾社學

在感化里

宮前社學

在崇善里

崎兜社學

在感化里

苦乾社學

在感化里

東乾社學

在蘇里

郭坂社學

在蘇里

上房社學

在樂里

左槐社學

在感德里

霞川社學

在感德里

藍田社學

在還集里

泉州府志

卷之十五

學校三

三

進德社學

在還集里

南斗社學

在龍集里

玉湖社學

在還集里

杉洋社學

在崇信里

多卿社學

在崇信里

舉溪社學

在龍涓里

淨惠社學

在龍涓里以上三十三處縣志不載興建年月疑為國朝雍正二年新設

同安縣學在縣治東南隅舊在登龍坊五季末令陳洪濟

建宋建隆二年令林滂遷于縣治西北祥符九年令張

師顏遷于縣治東南鳳寧初令林瀆作新廟學聚官書

宣和閒復遷登龍坊舊址紹興十年邑士陳彥先等遷

建今所左學右廟二十三年主簿朱熹建經史閣於大

成殿後教思堂于明倫堂左又建志道據德依仁游藝

四齋旋併為正心誠意二齋設講座集官書貯之闢射

圃于城隅隙地

朱子自為記同安縣西北門射圃者監鹽稅曹侯沆所為也紹興二十五年夏

縣有警令丞以下部吏士分城以守而曹侯與予備西北異時寇至常陷西北然則曹侯與予所守者盜衝也侯一日與予登城四望慷慨相語曰是不能守吾屬死無處所不可不勉則分背去行所部循勉慰飭喻意吏士士皆感奮奮為用侯又曰兵家有之曲道險阨則劍楯利仰高臨下則弓矢便是則射者固嬰城之具而其為技習之於無事之時然後緩急可賴而用也今蠶蟻之屯雖未能傳吾城而陳而吾之士固將殉我以死亡我其可以不數教而用之哉於是相與相城之隅得隙地斥以為射圃袤六十步三分其袤而廣得一焉屬其徒日射其閒其後盜雖以潰去圃因不廢閒往射如初侯謂余是圃之作吾二人力也眾人不能見將然其以吾

泉州府志

卷之十五

學校三

三

二人者為無事而勤民矣蓋記其事以視後余曰諾哉曹侯字德廣武惠王諸孫世將習兵喜文詞通吏事蓋慨然有志於功名者而余新安朱熹仲晦也時為主簿於此是為記云又示同志詩吏局了無事鬢舍終日間庭樹秋風至涼氣滿窓閒高閣富文史諸生時往還縱談忽忘倦時觀非云慳詠歸同與點坐忘庶希顏塵累日已銷何必栖空山又講座銘紹興二十三年新安朱某仲晦為吏於同安而領學事越明年五月新作講座以臨諸生願其所以作之之意不可以不銘銘曰師道絕塞以坻其居今其言言亦莫我敢都前聖後師交不在茲如或見之有儼其思立之堂壇唯以有嚴厥臨孔昭式訛爾瞻又更四齋義學舊有四齋許同年去其半以省長諭具員之冗故今惟兩齋而四門如故又皆錯亂不得其所至於命名之義亦有未安蓋如彙征之名乃學優而仕之事非學者所宜先也揭而名之是以利祿誘人豈敦學者之意哉今欲復四齋之舊以志道據德依仁游藝日之東西相次自北而南誦習之區各仍舊貫易日新長諭為志道長諭彙征長諭為游藝長諭

其據德依仁兩齋請學諭直學選本位學生權充齋長或齋諭許隨衆升堂聽講本學更不差人以塞希凱之路諸職事以爲如何幸與諸生議以見告條其便不便者熹請罷行之又四齋銘曰趨而挹者孰履而持曰饑而寒者誰食而衣故道也者不可須臾離于不志於道獨罔罔其何之志語道術則無往而不通談性命則疑獨而難窮惟其厚於外而薄於內故無地以崇之德舉之莫能勝行之莫能至雖欲依之安得而依之爲仁由已而由人乎哉雖欲違之安得而違之佑依禮云樂云射御數書俯仰自得心安體舒是之謂游以游以居嗚乎游乎非有得於內孰能如此其從容而有餘乎藝游又集官書序同安縣故有官書一匱無籍記文書官吏傳以相承不復稽省至某始發視則皆故敝殘脫無復次第獨視其終篇皆有識焉者曰宣德郎守祕書丞知縣林姓而名亡矣按縣壁記及故廟學記林君名瀆字道源以治平四年爲是縣明年熙寧初元始新廟學聚圖書是歲戊申距今紹興二十五年乙未纔八十年有八年不幸遭官師之懈弛更水火盜賊之餘其散滅

泉州府志

卷之十五

學校三

十四

而僅存者止是耳而使之與塵埃虫鼠共敝於故箱敗篋之間以至於泯泯無餘而後已其亦不仁也哉因爲之料簡其可讀者凡得六種一百九十一卷又下書募民間故所藏奔者復二種三十六卷更爲裝裹爲卷五十有三著籍記而善藏之如故加嚴焉且具刻其卷目次第闕其所亡者揭之使此縣之人於林君之德尚有考也而某所聚書因亦附見其後云又序紹興二十五年春正月熹以檄書白事大都督府廷中已事而言於連帥方公曰熹爲吏同安得兼治其學事學有師生誦說而經籍弗具學者四來無所業于其閒願得撫府所存書以歸使學者得肄習焉公幸哀其愚不以爲不可即日減省少府用度金錢屬工官撫以于縣凡九百八十五卷熹與諸生既受賜則相與羣議所以斂藏守視出內瞭暴之禁戒以復于公報皆施行如意熹竊惟公之舉是賜也蓋將以幸教此縣之人而非私於熹之請熹乃幸得以菲薄奉承懼不能稱且無以垂示久遠故敢具刻公所出教而并敘其指意如此揭之以示縣之父兄子弟與學官子弟之有秩於典領者使承公志永

永不怠此熹之職守也又諭學者文學如不及猶恐失之此君子所以孜孜焉愛日不倦而競尺寸之陰也今或聞諸生晨起入學未及日中而各已散去此豈愛日之意也哉夫學者所以爲已而士者或患貧賤勢不得學與無所於學而已勢得學又不爲無所於學而猶不勉是亦未嘗有志於學而已矣然此非士之罪也教不素明而學不素講也今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已耳所以孜孜焉愛日不倦以至乎死而後已者果何爲而然哉今之士惟不如此以爲苟足以應有司之求矣則無事乎汲汲爲也是以至於惰游而不知反終身不能有志於學而君子以爲非士之罪也使教表明於上而學素講於下則士者固將有以用其力而豈有不勉之患哉某是以於諸君之事不欲舉以有司之法而姑以文告焉諸君苟能致思於科舉之外而知古人所以爲學則將有欲罷而不能者某所企而望也又諭諸生文古之學者八歲而入小學學六甲五方書計之

泉州府志

卷之十五

學校三

三五

事十五而入大學學先聖之禮樂焉非獨教之必將有以養之也蓋理義以養其心聲音以養其耳采色以養其目舞蹈登降疾徐俯仰以養其血脉以至於左右起居盤盂几杖有銘有戒其所以養之之具可謂備至爾矣夫如是故學有成材而庠序有實用此先王之教所以爲盛自學絕而道喪至今千有餘年學校之宮有教養之名而無教之養之之實學者挾策而相與嬉其間其傑然者乃知以干祿蹈利爲事至於語聖賢之餘旨究學問之本原則罔乎莫知所以用其心者其規爲動息舉無以異於凡民而有甚者焉嗚呼此教者過也而豈學者之罪哉然君子以爲是亦有罪焉耳何則今所以異於古者特聲音采色之盛舞蹈登降疾徐俯仰之容左右起居盤盂几杖之戒有所不及爲至推其本則義理之所以養其心者故在也諸君日相與誦而傳之顧不察耳然則此之不爲而彼之久爲又豈非學者之罪哉僕以吏事得與諸君遊今幾年矣諸君之業不加以進而行誼無以自著於州里之間僕心媿焉今旣增修講問之法蓋古者理義養心之術諸君不欲爲君子即

則誰能以是強諸君者苟有志焉是未可以舍此而他求也幸願留意毋忽又諭諸職事嘗謂學校之政不患法制之不立而患理義之不足以悅其心夫理義不足以悅其心而區區於法制之末以防之是猶決湍水注之干仞之壑而徐翳蕭葦以捍其衝流也亦必不勝矣諸生蒙被教養之日久矣而行誼不能信於人豈專法制之不善哉亦諸君子未嘗以禮義教告之也夫教告之而不從則學者之罪苟為未嘗有以開導教率之則彼亦何所趨而興於行哉故今增修講問之法諸君子其專心致思務有以漸摩之無牽於章句無滯於舊聞要使之知所以正心誠意於飲食起居之間而由之以入於聖賢之域不但為舉子而已豈不美哉然法制之不可後者亦既議而起之矣惟茲君子相與堅守而力持之使義理有以博其心規矩有以約其外如是而學者猶有不率風俗猶有不嘉定閒令毛當時即學厚則非有司之罪惟諸君留意

宮建文公祠左右列號房一十二閒後廢元至正閒學宮

泉州府志

卷之十五

學校三

三六

寇燬十五年達魯花赤馬哈謀沙阿修學舍大德中重

修經史閣洪武七年知縣呂復即學西重建殿廡大成

門櫺星門又於殿西建文公祠正統九年僉事陳祚重

修李賢祐記洪惟聖皇嗣大歷服化絃更新而於大事尤切宸衷越九年庶政既效尚慮郡縣學宮暨應祀壇廟歷年既久風雨損壞特勅天下有司時加修葺甚盛典也凡在臣下罔不殫乃心力以祗承休命福建大藩臬重臣咸謂僉憲始蘇陳公由進士拜監察御史擢今官攬轡八閩者再練歷老成程督繕修非公孰宜於是公有行部漳泉之行比至大同邑庠顧禮殿暨東西二齋廡始將傾圮公愀然曰彫弊若此無以稱上意旨乃名父老集民之饒于貲者喻之曰噫子來前若知有父子乎曰有知有君臣乎曰有知君君臣臣父子子之所從來乎曰不知也公作而言曰此吾夫子之教也教猶天也天可忘乎吾常敬畏之如父母神明日月雷

電人而不知則狂慝聾瞶而已今使若等去狂慝聾瞶以服聖人之教可乎僉曰諾於是忻然聽命舉發帑捐貲鳩工庀材公慨然以與繕爲已責爰合縣尹滇南張節二尹興寧何文宣協心殫力蚤暮而經營之教諭三山方立訓導三陽盧晟古康鄧朴實左右之是以民庶子來咸樂相其役用是先致嚴大成殿建東西兩廡戟門櫺星門次葺文公祠及講堂齋舍加飭聖賢像及禮器皆煥然一新而凡所宜有者莫不畢具肇工於正統甲子冬十一月朔且越明年秋七月哉生明訖工氣象巍翼礪密堅緻瓴甃坊墁黝堊丹漆視昔有加焉落成之日行舍萊禮邑之父老咸扶匐來觀因入言於公曰吾儕小人熟視自昔修造之功未有如公用心之至者廟貌巍嚴亘古所無今及見之公之加惠吾民不其厚歟且嘗聞之爲民上者而不以聖賢大道教其民是棄其民也今完廟以崇祀典作學以廣教事其約民於道至矣使爲士者游於斯息於斯而不知所以自勵是棄其身者也公復之曰昔紫陽朱文公先生嘗簿是邑倡鳴道學其間秀士必有沾其膏馥者夫以秀而知學之

泉州府志

卷之十五

學校三

三

民而生長于先生過教之地又際遇聖明崇儒重道之日誠千載一時也何其幸歟士寧有不自激昂而奮發者耶僉曰然請記修廟日月以告來者公弗能拒屬余爲記鐫石于櫺星門之左 天順五年縣

丞劉珣器重建明倫堂兩齋戟門興賢育材坊易櫺星門以石號房廡宇饌堂庖廚及祭器悉備又承僉事牟

俸意改建經史閣於明倫堂後名尊經閣

朱鑑記同安縣儒學明倫

堂肇基於唐迨宋南渡紫陽朱夫子來爲簿兼學政改創於此歷代滋久棟宇傾頽大明正統九年皇帝勅諭天下郡邑學校壇壝凡有廢壞咸與更新于時僉憲姑蘇陳公祚按南泉遵令惟謹遂督邑令重加修飭繕完未數載尋廢於颶風淫雨堂廡齋舍傾圮不可支學官賃居宅於市天順二年春邑丞永新劉君珣器以才德兼備舉奉命來官首謁文廟顧瞻廢墜慨然興思曰爲政首務吾豈可以苟安容與不加意以經營耶適以公

務往會府既竣事因見海賈所市材多可為棟樑乃謀於黃友故舊貸百金以易之舟運而返仍勸邑之殷富好義者量出金帛以助工費遂重建明倫堂五間東西齋各一間儒學大成門與賢育材坊咸興廢而新之櫺星門造之以石聖賢像復增新飾鬻爵之類更鑄以銅竹籩木豆飾以丹漆以暨學宮廟宇諸生書室饌堂庖庾藏器之所靡不悉備董其事廬陵王先生達司其費出義民劉世隆工與於天順庚辰之冬告成於辛巳之秋適臬司僉憲四川牟公俸按節是邦登堂課諸生講學目學宮軒豁宏敞大嘉珣器賢遂以公帑七十緡屬珣器鼎建尊經閣于堂北以貯聖賢經史國朝聖製乃全其美於是珣器復重牟公之舉益捐俸資鳩匠掄才卜日興工踰數月而傑閣巍然矣教諭彭厚訓導王達仰惟牟公之作興珣器之經營惠斯後矣屬記於余於乎自虞夏商周以來凡建學立教皆所以明人倫而已所謂人倫者父子有親君臣有義夫婦有別長幼有序朋友有信也故堂以明倫名政欲師以此而為教子弟以此而為學耳人倫既明則為士者莫不知忠其君而

泉州府志

卷之十五

學校三

二十六

不敢自私以僨其事為庶人者莫不知孝其親而不為不義以累其身則治化可成而風俗可美矣苟徒狃於陋習而拘之風雲月露之章以為謀利祿計豈聖朝建學立教本意哉然斯邑山川清淑鍾為英傑宋丞相蘇公頌實生於斯其始終大節昭在簡牘朱夫子嘗稱其偉然君子長者矧大賢過化之邦際朝廷作養之盛上官謂進之勤異日出而振揚聲逾年學門戟門庖廚圯

于風復修之

彭時記學校王政之先務自古人才用世造就於學校者居多而風俗之成亦必自

學校始此後世明君賢臣與良有司所以盡心焉而不敢忽也不務盡心乎此其何以善政治哉同安在閩泉為壯邑其學自宋邑士陳彥先協謀遷建士風於是乎盛迨我明統理天下因舊更新者屢矣然葺方畢工而壞不旋踵豈非以樂就簡易而憚改作之難故歟天順五年劉君珣器為同安丞始至祇謁文廟退跡學宮慨其弊陋即欲興修而力未能為會以公務往藩府見海賈所市多良材乃貸金錢貲載以歸復勸邑義士捐資

佐之遂庄工赴役先構明倫堂次東西齋次大成門楹
星門以及諸生退休之舍廩庫庖湍之所靡不改為惟
禮殿仍舊而飭像備器亦無不至已乃經營搆民地建
閣堂後貯經史暨奉累朝頒降書籍於其中適僉憲牟
公俸按臨尤嘉其志會其工役蓋經始於庚辰之冬而
訖於辛巳之秋民不知勞焉逾年珣器以事赴京學門
大成戟門庖廚垣牆盡為霖潦摧毀既還乃謀重加飭
治于時僉憲豐城游公明奉壘書督學政以珣器不待
程督而有為亟加獎勵因規畫材用畀之於是自殿堂
門廡以及垣牆煥然一新而規模壯觀視他學為盛矣
學訓安成顏真其書本末以紀成績嗟夫為政而必崇
飭乎學校者非徒侈觀美實欲寧士心而作其怠也士
之安居於是其可不知自勉耶夫自勉者必務進其學
而近學者舍先聖賢其何法焉先聖賢遠矣當自近者
始近莫如朱子朱子之道學即洙泗濂洛相傳之正也
幸其嘗簿同安兼治學事流風餘韻之在人與格言大
訓之具於書者尚未泯學者居其地思其人循其言而
實用其力毋惑於利欲毋怠於近功而安小成務體道

泉州府志

卷之十五

學校三

五

成德於科舉詞藝之外則聖賢之域可造矣然後居則
可以厚風俗出則可以輔治理豈不有光於學校無負
諸君作興也哉學者勉之珣器世家吉之永新始以材
德舉其職二令而能盡其心於學校如此其政之善可
知已又當特書
為有司勸云 成化六年提學僉事游明復射圃舊地

八年推官柯漢拓大之於學前建觀瀾亭

亭在儒學之前城堞之上

漢以儒學城堞蔽塞於前建亭豁

之立碑以記後亭廢碑亦無存 十一年知縣張遜建

觀德亭于射圃之東衣冠亭于射圃之北

縣志云今射圃地多為旁

近生員呈學起蓋書室時相轉遞門斗亦錯居焉有建
如一旦欲搆序賓揚解之儀而所餘地不任抗侯矣

膳廚于尊經閣之左鄉賢祠于學門左又建教思堂三

間叅政劉觀又助建號房十八間於堂之左右宏治十

八年縣丞張啓重建號房十五間建米廩于殿後砌泮池以石正德間號舍俱圯十一年知縣楊敦廣藏書于

學

林俊記化習而成者也刀礪善割玉錯之而成器焉有始之鈍與取者哉學以致道也羣聖人之經道之

堂與史子其藩籬經術也其畔而去其惡足存哉它山之石攻玉不善人者善人之師推其隱以自創也同安文公過化之地督學憲臣劉先生玉懼習之匪專而化之弗敘也謀輯書于邑大夫楊敦二賢世顯臣家祖尚名教聲響和答購書凡若干種廚之學宮以公肄業者之所從事端其習而化焉夫金匱石室出內祕書樓一家之書孰若闔庠共物嘉惠之無窮哉或謂臯陶稷契無俟于書古者見書之難今之書多且易致而學率弗造以為書病夫人願自植何如張茂先博洽無比歐陽永叔曾子固為世文宗皆多書自助猶求之言耳因言以求其心體諸身將久而化矣孔習周顏習孔今之習已異是又焉望其歸之同哉孔子曰古之學者為己今

泉州府志

卷之十五

學校三

三

為人殆甚者則書也者其善利之閒乎

十五年知縣趙汝弼新明倫堂兩

齋即學東隙地建文公祠

即宋毛當時所建舊址在縣西者廢

嘉靖元年

教諭陸佶修櫺星門朱廩廨舍三年修經史閣改名尊

經邵銳記同安教諭陸佶來告學尊經閣成及以圖獻

廢茲惟爾勤亦惟爾諸生之義義以尸之勤以相之乃

有茲閣予茲弗言厥美弗傳乃申告之日子知經之所以尊乎夫經也者天地之心聖賢之精蘊皆於是乎在故經明則道明道明則天極以立地維以張人紀以定而天下之能事於是乎畢矣而矧可易視乎故善學者以心求之以身體之信如神胡敬如父母言行政事胥此焉出以成厥身以用之國家天下斯謂善尊也已苟竊其緒餘資爾口耳以掠取世寵用力滋勤則恃道滋甚若是者吾未見其能尊也吾冀吾子慎擇期術用迪我良士勉而循之務納諸道則是閣是營始於是乎有

名矣吾子識之
之吾子識之
九年建敬一亭于廟前
右十二年建啓聖

祠于廟北二十年移敬一亭於明倫堂後二十八年通

判吳嶽修葺頽敝又即教思堂後建名宦賢祠文廟

右北為教諭廨東西為訓導廨
劉汝楠記墨郡侯代麓吳公承視蒙同安翼

日詣學宮引諸生考問失得乃流觀堂宇展省器備於
是喟然歎興於學然尚以部務倥偬亦未暇遑庠序之
事也頃之有事於先師廟廼命工作祭器鑄薰鑪易
堂序之甃飯新塞門之櫺檻几席鮮明欄廊斧藻外而
城垣之側陷及于谿水之紆流亦皆繕治改正不日殊
觀於是學宮弟子遂業承休莫不籍籍然歸美于侯矣
今之為郡邑者鞅掌簿書形神彫敝至於學宮校舍鞠
為蔬圃曾不以其眎聽其視侯之不費時月不病公
私而章縫之士羣然有所居息者真若純紕之不相類
矣侯直隸武進人嘉靖二十三年進士以南京國子監

泉州府志

卷之十五

學校三

三

丞來判泉州其治同安甫六月
往往有善政而繕學其一云
嘉靖二十年知縣彭士

卓教諭陸傑立科目題名碑
林希元記成周之法大司徒以鄉三物教萬民三年

大比鄉大夫考其德行道藝賓興其賢者能者升之司徒
曰選士司徒論選士之秀者升之學曰造士大樂正
論造士之秀者以告於王而升之司馬曰進士明以經
術造士三年大比鄉大夫論士之秀者荐于禮部曰舉
人禮部論舉人之秀者獻于天子而廷試之曰進士其
不中式者令卒業成均試政府部需次銓曹用之為府
佐縣令等官即成周之遺法也而因革損益其制視唐
宋為尤備然其試也不以德行為道藝其所謂藝亦
非成周之舊矣孔子曰有德者必有言有言者不必有
德取人而一於言欲盡得人其將能乎如唐柳宗元宋
王安石百代文章宗匠咸由進士使科目累足以得人
則二人者當與稷契伊周媲美而宗元乃入王叔文之
黨流落終其身王安石乃以新法誤國殄民卒基宋亂
則科目不足以得人非其明驗乎然士生其時舍是則

無由進而豪傑之士亦出其閒如唐之宋璟張九齡宋之范仲淹韓琦者不爲無人故謂科目足以得人固不可謂科目不足以得人亦不可美乎宋太宗曰朕欲博求俊彥於科場中非敢望拔十得五止得一二亦可爲致治之具矣斯不易之論也夫人才國之所恃以立科目人才所由以出也科目不盡得人則科目之法毋亦未善乎愚嘗思之國家之理亂皆原於天天將開一世之治必生賢才爲之用如欲亂則基之者自有其人開元之盛則姚宋張韓等爲之用天將禍唐義府林甫之徒出矣慶歷之盛則韓范富歐等爲之用天將禍宋王呂章蔡之徒出矣君子小人之進退皆天也科目其知之何末世滋僞今而欲行古之道則奸僞益滋其弊豈止如科目而已哉故科目於今決不可廢前輩謂無情如天地至公如權衡蓋誠有見乎此愚考趙宋三百餘年同安舉進士三十六人爲名宦者十九如丞相蘇公頌忠節蘇公緘以及侍郎劉公達吳公燧少卿林公棐諸公皆翹然百代之英謂科目不能得人可乎我明自開科以來僅一百八十年舉鄉科者自陳顯以下九十

泉州府志

卷之十五

學校三

三

人舉進士者自李容以下二十六人人才視宋爲盛國祚方興而未艾山川生人無閒今古聰魁之士應運而生由科目而出者後先接武道德功業文章豈無如二諸公以佐國家重熙累洽之治於無窮者乎縣學舊有碑記歲久而學博北城陸君健謀於縣大夫石坡彭君士卓徹其舊而更作之細考國朝開科以來舉人達士姓氏與其鄉貫歷官而備書之因以記予屬予幸列名諸石又石坡北城之命不可虛乃不辭爲之記又

立歲貢題名碑

劉汝楠記明興以來至于正德嘉靖之閒人才稍稍倍加于舊於是碑石姓字

光斥廼學博四明陸君健以告邑侯番禺彭君士卓始命工伐石列科貢而二之仍各爲一碑而屬余紀其事重選舉也古者諸侯貢士于天子一適謂之好德再適謂之尚賢三適謂之有功故士庸者貢其身盛德者貢其名廼其幽隱而遺佚而後天子明之禹別九州任土作貢自瑤琨絲枲羽毛齒革而下皆充貢篚周禮九貢致邦國之用則禮嬪器幣財貨服旂物之類而貢士不與聞焉夫天地眞精之氣敷于九土不生材則生物故

材以任官而物以致用其為有利于邦國一也國家造士之制郡縣各置學官弟子有司以時考其經術道藝分別等第閒從而廩餼之三歲大比則賓與其明經中式者升之於禮部而會試焉禮部貢舉其明經中式者射策于天子之廷承恩賜第謂之甲科士之抱經術道藝而願策于時者咸以是為高等云其立學官有廩餼者雖不獲舉于鄉亦得以次貢于禮部使卒業成均有乞除學官者聽國家愛養士類而量才補秩恩施亦云博矣夫士生盛世而處幽隱常慮其不昭昭矣又慮其不躡高等乃或昭之又從而高等之而其出也足以抱功其居也不足以善俗不以為名又因以為利甚者廼充貫而得邑則夫登名於是石也祇足為後人非笑之資焉耳而又奚陸倕又與訓導王尚質屠材立師儒擇于科與貢也

題名碑

劉存德記周制居民自十五家以上皆為之學

在朝三老在學考其所謂老則三公之老而致仕者為之二鄉一人焉蓋貴德尚年示無有尊而後民知敬學

泉州府志

卷之十五

學校三

三三

也士生於時自道德禮樂器數之餘不見異物且必九年而後視其成四十而後官之四不率教而後屏之其屏之也民知背其師之罪其用之也民知信其師之功惡得而不知有師也哉是故師道明而教易行雖幽厲之微孔子猶得而論次詩書修起禮樂以師道行於下位其卒也七十子之徒皆得而師傳於列國至於坑焚之餘而儒術始絀焉漢興未遑至建元下賢良之詔郡國之眾對亡應書董仲舒乃以建學置師為請而後世廣立學校之官皆自仲舒發之但其制不師古率以師儒之職隸於六官而師道無常尊矣師無常尊則士之所以信其師說如神明父母惟有得於達善繼志之學者能之而非所以望於人人也宋臣追論其弊至謂庠序傳舍師儒路人不亦甚乎我國家酌損古典以開至治惟學校貢舉之法稍因近代然而政教畫一道藝同歸師之所以教與弟子之所以學者雖不越乎言語文字之間亦安有錯之不正而施之不行者耶同安為紫陽首仕之鄉一時學者翕然師事自許升而下蓋有人數其所聞誠意正心之說傳之彌廣易世未忘雖授受

失真終無詭異故其爲士或不免於負俗之累然皆易與言善而不敢安於顯過及其出而爲仕莫不懷名遠辱矯勵行義惟迂愚不度妨忤於物則有之及觀其恥尚皆未有失所豈非紫陽流化於遠哉若是乎惟患作之者無其人耳時以憲學鎮山公端本於上興起正學師儒北城陸君佺以宏博精微之蘊足佐下風王君尚賢屠君材亦皆敦樸以先諸士故士之洗以勵行講藝興事而服習於教化者視昔方加也詩有子衿以刺教廢則反淫僻然則俗正而教化可知矣於是聚而論次期鳴盛於不朽迺以鎮山公之績鐫於紫陽書院以開後學以師儒題名屬余存德爲之記復勤諸友陳幣以請是記也自北城諸君始而後民知有師也其等而上之而並存者何懼有如北城諸君之賢之爲師而世不及傳之也其不賢者不妨同辭何不賢者賢者之師也是皆所以勸也

隆慶元年知縣鄧一相葺學宮建序賓亭於觀

李獻可記吾邑有學餘二百年

泉州府志

卷之十五

學校三

一十四

所吾黨諸君子居則蔚然于六藝之林出而以雄才理學直聲振天下日逾顯融而學之宮日就於頽塌從外視之猶翼然宮也窺左趾于階則繡花從椽題下染鬚眉如搏沙升堂而朝日穿屋漏照臯比若管中班颯颯大作鳴尾搏羊角以去捲屋瓦麟麟作車聲陰雨時至綢繆無策徒相與仰盼竊歎爾泰和會君一歐以邑簿守令事且得代來謁徘徊不能去日以某之至於斯慰焉代斲誠無所辭素飽獨奈何視瓦毀墁畫使守先王之道者處無寧宇甚於闔閭以蔽吾儕也則素餐孰大於是且也一邑之政誰其尸之顧乃于此獨以越俎爲解人其謂我何迺檢所署緩金若干趣以付梓人及巧者不足則益以所餘月錢又不足則戒諸役曰姑勿亟延之數月可復得錢數囊非敢以苟完也顧力畢此爾凡四閱月而後竣由先師廟而廡而廟門而櫺星門由明倫堂而齋而廊而儒學門暨諸祠宇繚之以垣可數十百武且無改于其舊而代腐以堅代毀以完糞飾而堊斷聯而屬蠹焉穹焉煥焉飭者新耶學之師儒旣慶其新因念新之易故故且未易新而新其故者責又

不數數任也求記于余將伐石而鑄之以俟諸久以否
勸於大誼余惟學之設以羣士也其大者在修先聖之
道以揭諸中天而炳於日星次迺大小兼識以勿墜昭
代之憲後先相紹以獲與在茲之文卽詞藻足起衰節
槩足砥逝猶爲瓊瑣爾故環堵而居渠於夏屋蓬葦而
談美於輪奐檢柙之弗迪壇宇之弗修士之醜也蠢迪
檢柙行勤壇宇而毀畫其瓦墁傷其薪木政在司存諸
君子安得而知之第業已歌于斯誦于斯勢不得聽其
罅漏弗葺小補自嫌義又不可造謁當世請益釜庾以
破其出入之吝而傷吾不至之操則有坐待其日圯月
壞搭焉不支月旦則揭諸儒掇綿蕞先之野外耳然後
明請有司改作是圖日糜公鏹無論宗廟之美肆外閎
中卽數仞之牆營若冀闕產費千金勞倍功半咎將誰
任不然曾君豈不知仍舊如之何如其俎豆以俟君子
猶爲無咎無譽使旁觀者毋以爲名高也者而已之乎
凡以畢吾力則數月之錢可以無飽終不可以取刺於
伐檀耳今猶記在諸生時聞諸掌故云成化間邑丞永
新劉君者來守令一修學至今賴之已迺復得曾公踵

泉州府志

卷之十五

學校三

三五

茲義豈爲相勸而成耶可相勸而成是可相諉而已何
必爲邦百年而一再值又何必其非真令也是非成于
相勸非成於相勸尤不可無
記以俟夫不待勸而興者也
二十八年知縣洪世俊卽

學之案山佛子岡建石塔以挹明倫堂三十三年王世

德重修名宦鄉賢祠四十四年知縣徐應秋教諭萬德

鵬協力重修

蔡復一記崑崙之水滙東南海故道脉溯
洙泗而演閩天也朱子航濂洛達洙泗學

李延平而公之爲教實自同安始則同之廟學其興廢
盛衰常望乎天下數百年修舉之故籍能徵之最可紀
者莫如今雲林徐侯之爲功往修者之力計壽以年侯
下車察廟學墜宜興狀僉謂時拙姑策其近侯日不永
曷修俸於斯金矢於斯吾敬焉而無苟吾以修教之在
我竟如侯言釋菜之宮講堂肄舍以逮門序百堵借作
拓大啓聖之址而規崇之衆力和勸木石陶甃奮無窳
氣如膚立之人化爲神幹士喜曰是可百年博士萬先

生日在繼者之如侯也謂蔡子復一謀所以示吾聞文翁禮殿代興於蜀以事夫子之道之廟學而侯爲之文翁無患乎繼者矣無已則言侯以修爲教之意乃言曰三代以前學盛而祀弗專漢以後夫子之祀特盛而所爲學者不盡隸於祀祀與學合助宋慶歷遂有周程張呂而系其嫡于朱子以開我明之道化此亦天也然吾有異焉古之學也家今之學也遽廬天下一倫也選于民焉士之而鵠以敘人敘倫之道則所以教之者甚敬而不敢苟故廟之以爲祖類之以爲族詩書六藝言行有物以爲恒產通其微於道德性命而所以察乎倫之至博其變于兵賦政刑名物象數之難合而皆網紀此倫以無斃於天下凡享祀鄉射養老論秀合樂勞農授兵訊獄之大政無不在泮與士行之士家其明倫親民之業而畢耳目手足步心以赴之居之可以終身而舉而措之有所不能易則豈有苟焉遽廬而求速去之患哉教學既衰談性命者抗物外以自虛課事功者兵賦政刑無忠養之誠而媮取治辦以薄豎名實唯無見于人倫之不可已而苟以爲名利之途也故修非所修而

泉州府志

卷之十五

學校三

三六

性命事功之岐皆歸於狗祿蓋朱子之教吾同已痛言之而深慨士未嘗立志于學然則今之有志者其未免朱子之所謂不立者歟今廟學新矣士趨而服其司訓能父兄乎居業之齋能如工之肆乎祖吾夫子而春秋灌將精氣能果有屬乎其號穎出治文章者還叩懷資名幟家肥以外能有祝輟乎旅泊者寢食一昔而已主客之接遇若勤而流盼相失學亦有逆旅修非所修托一昔于先聖之宮牆而謬勤於父師是遽廬之智也夫倫猶是倫也今之教法聲容服器不必如古詳而詩書六藝以正言行以敘人彛則未始有改也教之行也士能致于君臣以經綸天下之大經而其衰也父子兄弟夫婦朋友或至懷利以相接使識者歎學之弊遽廬而不家而良有司之修舉僅若新其逆旅以惠寄客豈不可懼哉事莫病于有苟焉之心吾證以今之功支材丹堊以飾貌目前遽廬者也敬其事而可永家焉者也侯于吾同非家也而家之致力廟學必計百年之壽上則自人自倫也而忍苟諸卽士觀于是舉者莫不欣如懷賜照日月而生其朝氣此心與吾夫子固曠世感也夫

木石陶甃之爲脩有待也自人而自倫之待乎哉行水者鑿龍門播九河由海以導星宿廓如而濟者不航焉則吾不信也復一於學不幸去之速未究所以家者至今愧其出處樂徐侯之爲功士將有興而一洗吾愧也敢以質言論庶乎聞道於崑崙若侯之爲文翁其精神感繼者必以禮殿與夫子之道終始而望乎天下吾能徵之矣是役也費緡千而贏費日期而近而議不煩上籍不及民君子是以占輿士速也督修者尉趙君賢幹材而恪敏物與事之精苦勤怠必求其實而朝夕終始以教爲政則博士萬君德鵬于作人省成尤力黃君有年鄭君有譽相而樂之俱能贊徐侯功可書親其修法者吾同年友林源澗應翔也有范希文姑蘇之心焉徐侯字君義衢之西安人萬歷丙辰進士又記師儒以道教人邑父兄常客之不及以事卽致力廟泮之功於地蓋親矣然事則有司職之而師亦曰非吾事也吾受成焉耳爲父兄者職其事而不能數親以師之親而不敢使治其事而代父兄治者視父兄與師則俱有閒矣雖王若事而心益客之此修廟泮之功能年而不能世也

泉州府志

卷之十五

學校三

三七

在郡國以固然獨吾邑庠今役其功最鉅而可永蓋以雲林徐侯父兄之而其碩師爲荆溪九雲萬先主先生言曰是功也以受先聖日星吾道以肄章縫霜露吾教吾客也乎哉則謀於徐侯應秋而力主其事木石之理因創之宜緩急之度悉自營指授祀宮講堂煥爲傑構故啓聖祠庠隘弗稱哀息壤而升之還侵地而拓之以崇倫而章教面泮有宰堵坡而隱其頂乃開橫門從堂攬髻卓筆如也如昇臺榭以眺高明文氣秀發學宮右有餘壤隄爲邪徑而役於庠者其私舍負廟附焉褻且戒大遂移役者之舍舍於右壤用塞厥隧諸門庶次第作新如法先生目之手之罔不心之于焉朝夕於焉寒暑費不贍者補以月俸勸諸生量力敬助無有愛輸繼之不時屬者先爲假貸給所傭毋俾怠輟旣告成事環橋觀者雜然以耳目覩記良於工莫今役若薦紳及其子弟嘆曰吾逮事先生多賢其敬廟泮之事能自爲功莫今萬先生生若也復一旣爲記申徐侯教士大夫指諸生復礮石欲再得言承先生之勤或謂教以修道修於土木其事也細惡足以張先生復一諭衆曰事者所以

事道也而細乎哉。委先聖而日星，吾道肄章，縫而霜露。吾教莫有大焉者矣。師也父兄也，一也主其地而客其。聖者何也？郭林宗所過，逆旅必汛掃而後去之。况受先。吾客也，非吾事會，逆旅之不及耶？然非先生則未有不。自客者也，唯先生示軌潔以方，故意諭而迪，貞教肅以。惠故恭率而勸，誠務忠以周，故力奮而和，規之以始，宅。之以衷，貫之以終，動有成謀，不愆于素，是心也可以學。可以政，夫學通天地人，無弗主也，固其躬而客物，而物。於是，有藩樊，夫政思居思外，無弗主也，固其私而客公。而公于是，有傳舍，藩樊相壞而堂奧裂，傳舍相郵而宮。廬廢嗟乎，世無郭林宗，疇逆旅而家，勤之者吾懼其家。之荒為旅也，如先生者，以趨古學而式古政，有餘矣。士。風於先生之事，將必有學而光明政，而俊偉者出，以推。明先生與徐侯之遺烈，孟子固曰：師也。父兄也，敬志以俟，非志勤也，志事道也。

國朝康熙元年教諭陳輝祖募葺文廟明倫堂文公祠二

泉州府志

卷之十五

學校三

三六

年新櫺星門十年知縣鄧麟采教諭鄧芳升重建啓聖

祠及名宦鄉賢祠十九年教諭黃允芳募建兩廡及儀

門陳睿思記學校之興廢關人物之盛衰非崇祀有

彬雅之域吾邑夙號名區人文輩出自海倣類仍

以致賢序之內殿張藁韃庭作牧圍有不僅荒垣

鞠草之悲已余乙未冬請假歸親覲飛之零落瞻棟宇

之傾頽黯然久之思欲修舉廢墜整齊堂構蓋幾幾難

其人焉庚申秋富沙黃先生允芳夙操文墨壇玷應謁

選有司辭不就設絳帳於茲目擊心惻以鼎新廟貌為
已任慨然置公車於度外出資斧百金有奇為同人倡
於是驛憲汪公震元郡守蔣公毓英邑令馮公俞昌及
文武諸當事紳衿義士協力捐助先築營房移兵而出
之而數十年之雜沓喧囂為宮牆蕪穢者廓然一新遂
次第創建櫺星儀門東西兩廡神像龕金漆雕鏤靡不
悉備蔡體國先生有言曰學官之修學百中或得一二

予於合公之倡修 二十四年知縣徐名觀修學門三十

七年教諭劉驥良訓導陳聲遠重修四十五年知縣陳

國柱建文昌祠築文昌書院五十五年邑人許盛重建

明倫堂五十七年署縣王夢說教諭江山甫重修

山甫記

皇帝膺圖五十七年重熙累洽文教覃敷同自紫陽過化
禮樂舊已而學宮積歲敝漏無以作景仰今承署令古
滕王公象巖意鳩紳士煥而新之正殿更崇而高殿之
前蓋一亭舊兩廡稍居殿外今恢其殿使環而可襟夫
庶庸杼末桷咸與維新計費千五百有奇蓋落成之視
經始之日三年矣禮將釋菜余揖諸生言曰夫學宮之
設非以聚文物聲華之謂車服禮器統緒昭焉明儒有
言道學不明士子或趨於勢利或溺於詞章或流而入
於禪學愚謂輓近士習勢利為尤勢利汨汨病在不剛
髮燥受書父期其子師期其弟維云發策決科耳跟脚

泉州府志

卷之十五

學校三

三十九

一誤聖聖之精借為梯徑幸而得之則以持祿保家為
務不或夤緣奔走黜黜於灰埃而不知止至使朝鮮正
心誠意之臣而下邑長吏槩為當今之士無品嗚呼吾
未見剛者何汨汨至此秀者如此樸者奚仰哉謝上蔡
稱孟子強勇以身體道所至王侯分庭抗禮壁立萬仞
由其氣足以勝之也朱子云曾子剛毅故能獨得師道
之傳子思行事經無他考如孟子所云標使者出諸大
門之外事之云乎等語何等剛毅今諸生拜新庭瞻道
範誠能以聖賢為必可學以聖賢之功為必可勉振涉
世之藹陋為入道之深純去憤世之血氣為配道之剛
大吾知未有不日進於高明者也夫綜稽往論學之功
在主敬窮理而其要歸於力行然欲主乎敬而非持以
剛則妄濬之而體不得澄欲窮夫理而非致以剛則欲
蔽之而識不得貫且力行而不剛則亦畏縮懾懾或作
或輟無是餒耳易曰天行健君子以自強不息則元統
也功純其發之也氣塞囂囂不起巍巍勿視風不足尚
乎勢利不以溺其中則所適正所志大厭焉餒焉日與

理涵又何患刻鵠之小技與擊竹之冥悟出而紛其志亂其真也哉夫君子勵行乘之於始君子防維極之於終諸生嶽嶽自命宜不以勢利易志而當茲振興方新可不大大思猛省即由是而聖域可登前統可嗣處為大儒出為純臣皇路待堯舜君民之澤朝家隆幣聘訪道之文豈獨茲邑學宮之光抑亦今上久道化成之慶余忝司鐸竊願與諸生勗焉是為記

五十八年邑人顏孔輔等築繚垣易士以甄雍正九年教諭張纘緒修大成殿廡訓導汪芷建教諭廨于崇聖祠東舊時廨舍已廢為荒圃十一年知縣唐孝本重建尊經閣累石為址高出明倫堂丈許上構三楹以安奉

萬歲御碑及

泉州府志

卷之十五

學校三

罕

聖諭廣訓下三楹以祀文昌乾隆二年新崇聖祠移名宦

鄉賢祠于學宮左

舊時名宦鄉賢合祀一堂至此乃祀名宦前堂鄉賢後堂

廣教諭

廨移訓導廨于文公祠後

舊廨廢如教諭廨訓導寄居衣冠亭右

十年教

諭趙鯤飛重修崇聖祠二十年知縣明新教諭何蘭葺

而新之二十六年知縣鄒召南重修觀瀾亭

亭即明成化間所建

舊址增高明倫堂大門五尺

使見佛子岡塔尖

築門外牆移舊時

石刻青雲路三字於其上

位次陳設祀事儀節

制見府學

崇聖祠在禮殿後

詳見上祀典位次見府學

教諭廡在崇聖祠東

訓導廡在朱子祠後詳具見上

生員額

廩膳生員二十名增廣生員二十名附學生員不限額歲科兩試每次取進二十名武生歲試取進一十五名

學田

縣志明隆慶元年知縣鄴一相復清南門橋稅七十八兩五錢五分三釐原議以半入學食士今除抵解外年該銀三十三兩七錢一分有閏僅得三十兩一錢王佐記虞夏商

泉州府志

卷之十五

學校三

聖

周天下之盛王也未有不先於學者而其制則至周為詳民自比閭而上莫不有學有師故其學也不待舍去桑梓裹糧遠涉充然自足於服田力穡之餘朝饗夕飧以歌詠被服乎先王之教是故上之於其士則惟以教善為忠初不憂夫士之或有懸罄士之於其身則惟以仁義不飽是懼亦不虞其飢寒之猶有不免也王澤涸厥制荒矣我國家稽古建學斂民之秀者以游其中立學官教之命有司提調之而督學憲臣復時校拔其優異者餼廩之凡以俾之心專慮一優游厭飫乎德行道藝之實而外無所分焉顧其勢或不能以兼養而士之貧者至無以自存故復有學田以補助之是廩有定數也法也學田無定數也法外之仁也法之所在雖中材猶罔敢失墜而仁之所在則繫師帥之賢不賢耳同安無學田舊矣而創自大夫吾是以知大夫之賢之加於人也大夫涖吾同約已裕人尤以端士習育人材為已任嘗謂操瓢與簞樂道無悶惟顏氏子能夫人不皆顏也雖其間能卓然自樹有志於屢空之學而不繫支養之有無顧婚喪大事猶責諸隣保姻戚以相調助者士

獨可少耶於是核溪乾南橋之邸稅舊為勢家所有迺以法清復入官歲凡金七十八有奇而以若干代酷權之輸以充餉若干代學之租以惠士而貧與婚喪者則以聞諸師若友則告於縣有司受給焉冒昧乾沒者有禁斂散職掌者有籍有人爰復其事於當道咸報可褒嘉檄下士欣欣相慶曰是我賢大夫之賜也大夫名一相別號宜亭江西豐城人

萬歷志萬歷二十八年郡守竇子俱議於本縣奇江庄入官田租五百二十五畝每

年追租銀分一半解府充府學公費外二百六十二畝

五分發同安學為修理賑卹之資後議將奇江庄田年徵租銀九十八兩四

錢零入學近奇江各佃累告三十二年議減每畝銀一錢三十八年議每畝再減銀五分五釐每年止徵銀五

十七兩七錢五分支給貧生又議將陳穀易銀五十六兩買兌山田種一石四斗年徵租粟二十石鄉內抽穀

泉州府志

卷之十五

學

折銀二錢三分貼納糧差自三十二年以後佃戶拖欠百餘石知縣李春開追田價并通穀銀七十六兩又

萬歷二十九年知縣洪世俊議將吳陂庄廢寺溢額田

三十九畝五分年登租銀四十九兩四錢五釐內撥納

糧餉共銀五兩四錢二分六釐餘入學修理蔡復一記

何以興學也邑學設舊矣而田未之聞其有田自邑大夫洪侯助也何言乎田之興學也端化軌俗道徑於風風之捷者莫如士懸旌聳示則我其標結穀遙馳則先其軻士也者標民而軻吏者也里人子擔簦笈從師則其父兄為之戒具春糧之弗繼勿問咕嗶抱先聖之經倚於門牆所父兄者誰人計上之望士曰標民而軻吏賴之厚而養之薄於何能振夫不于其田之謂其以勸也田如此其急也而數百年未之聞而大夫昉之一旦大夫難哉何難乎大夫非田之難難于其始又所以始之時也大夫下車造士士淳然有興迺考於學之故嘆

日側弁而哦者五百人而田不畝附卽令半菽不飽之
儒抱遺經空倚門牆安所仰給焉其以勸也上所望士
者謂何若之何賴之厚而養之薄也吾一日父兄於此
矣而是時也海氛方見告閩中調兵食簿書徵發星散
飈流不遺日而讓力大夫曰夫士也賴之厚而養之薄
而以簿書徵發解也我則不敢圖之無何中貴人來筦
山海關市之利而入諸內府與其橐甚至哀軍餉益之
而猶不足中貴人責課而中丞臺使者責餉承權搜腴
不遺力而讓征大夫曰夫士也賴之厚而養之薄而以
采權搜腴解也我則不敢取圖之於是覈部內有他積
谷若干歲久而陳不以賑而以蠹而奇江庄故觀田吳
陂庄故寺田觀寺久廢田沒於佃諸佃盤踞屢其腹旁
垂涎者目眈眈屬之訟起大夫曰是不足爲側弁而哦
者地耶卽條記請出陳稟以穀本置學田故寺觀田無
主釀爭宜主之學歲徵其租賑士之貧者於計便議上
大府府如大夫議而割觀田之十五畀郡學寺之額溢
田三之一入本學先後聞諸使者報可當捉襟露肘萬
不暇給之時而興數百年之曠典餘波及鄰絃歌四封

泉州府志

卷之十五

學校三

聖

莪樸兩地豈不大愉快盛舉哉不佞閒從海內諸君子
遊權材杞世慨然今古之不相及而臆探其原居謂始
于士之輕而上人者不知所以重之夫今有司卽向之
士也朝釋大布之衣而夕忘其所受爰書錢穀屑屑索
課爲功能不復知格外興勸何事寧論鞅掌士抱遺經
倚門牆離之則已踐之芻而託之則寄宿之圍第佗其
冠神禪其辭酒食聲色之中則瞞瞞然瞑瞑然禮節之
中則疾疾然訾訾然勞苦事業之中則億億然離離然
如孫卿所議學者之窳具是矣士也者標民而軻吏者
也標而仆表軻而毀轅何怪乎迷方與其折軻哉大夫
以鞅掌露肘之秋不忘廣屬德意良殷吾黨君子居而
表樹標修斐然六藝之林得時而駕範我馳驅騁六轡
而開蕩平之路不素餐兮孰大於是又安得云偷懦憚
事無廉恥而嗜飲食必曰君子固不用力是子游氏之
賤儒乎漢文翁守蜀郡省少府用度齎計吏遺博士史
載爲誇談大夫廣厲興勸異代交映一日父兄於此卽
百世社稷於此余讀所條記最後列五利歸於士籍興
化隆植而敦祝夫固曰不以其田之謂其以勸若祝表

而仆之祝轅而毀之士必不然勗旃無令斯田之終不足興學也若孫卿者得以哆口曰子游氏之儒也與哉邑博士姚君至王君植李君守文徵言於余余志其事而申大夫之指以告諸士如此大夫字用章歛人與余同年進士學田前後若干與其處具在碑右 又萬歷三十八年知縣李春開捐俸二十三兩置買石門塘釜田租年二十三石又

國朝康熙二十五年總督姚啓聖發銀六十兩督糧廳姜立廣發銀一十兩教諭黃允芳捐銀四兩六錢七分共計銀七十四兩六錢七分置買康榕保田一十五石七升鄉歷今收給貧生以為燈火之資戶名姚興儒年納正供銀四錢六分三釐秋米三升五合六龠

泉州府志

卷之十五

學校三

四

名宦鄉賢祠在學宮左詳見上計祀名宦參拾叁位

宋朱熹主簿

黃琮知縣

石礪縣丞字子重

方士端主簿

蕭里縣尉

毛當時知縣

元馬哈謀沙達魯花赤

孔公俊縣尹

明時執亮知縣

呂復知縣

王琬知縣

劉性同知縣

朱徽知縣

何文瑄縣丞

劉珣器縣丞

張遜知縣

張 伋 縣知

龍 越 縣知

邵 旭 縣知

郭 山 縣知

王 仲玉 縣知

曾 如海 縣知

李 文郁 教諭

章 文 訓導

王 仁 訓導

陸 佶 教諭

游 明 督學僉事

熊 伋 督學僉事

胡 文宗 泉州府同知

徐 待 知縣會如海徐待見縣志餘見隆萬二志

國朝范承謨 福建總督都御史

李 斯義 福建巡撫都御史

金 培生 福建布政司左布政以上見縣志

泉州府志 卷之十五 學校三 四

名宦專祠附

朱子祠在縣學宮之左宋嘉定間令毛當時建 葉適記見下明

洪武間知縣呂復嘉靖間知縣趙汝弼重建中祀朱子

以許升王力行呂大圭邱葵配 葉適記初新安先生朱公為同安縣主簿今知

縣事毛君當時祀公學宮昔孔子既修明堯舜三代紀法垂後世而黃老申韓之流亦各自為書學者蕩析畔離苟私所受未有搏探詳考務合本統也及董仲舒稍推明之與人主意合則雜家異學始絀而歸一於孔氏矣姑設祿利歐縻使從豈道德果盡信哉故經師句生無有知者徒為短挾蔽大義而已獨司馬遷採論語發明孟子不言利為傳世家孔安國解古文論語楊雄數稱顏淵篤好孟軻小戴集記大學中庸鄭元併注之孟子有趙岐論語又有何晏韓愈李翱文人也愈大會參翽尊子思矣噫三千年閒萌蘖汎濫若無所底而大義

之難明如此則其博探詳考知本統所由而後能標顏
曾孟子爲之傳揭大學中庸爲之教語學者必不如是
不足違孔子之道也然後序次不差而道德幾盡信矣
非程張暨朱呂數君子之力歟今夫箋傳衰歇而士之
聰明亦益以放恣夷夏同指科舉冒沒淺識而深守正
說而僞受交背於一室之內而不以是心爲殘賊無幾
矣余每見朱公極辨於毫釐之微尤激切而殷勤未嘗
不爲之歎息也夫學莫熟於好道莫成於樂顏曾孟子
所以潛其心也行莫如誠止莫如善大學中庸所以致
其義也夷佛疾痛也科舉瘁痾也公所甚懼也毛君嘗
與予學去而宰同安有惠政夫政
之得民速不如教之及民遠也

趙忠簡祠在儒學內宋紹興間主簿朱熹建祀故相鼎後
廢

洪含初祠

所在未詳

明萬歷年閒建祀知縣世俊

蔡復一記畧吾邑樹樸事

泉州府志

卷之十五

學校三

四六

其長吏有情而無文吏於斯而去未有祠之者而祠自
大夫含初洪侯始何始乎大夫大夫之思在民深也大
夫由名進士治吾邑下車謁民利苦一意與興除坐堂
皇椽史抱案却立栗若負霜者孺暖紅以事至庭則挾
纊而行於冬日兩稅以程兩造以情眎額而入眎法而
出賦無浮羨訟者喻所以勝負剖而遣之各自厭輸乎
寬然慈也顧治猾與盜特嚴曰是齟我赤子者榜蒲推
牛之禁三尺無佚謂厲耕教惰且爲盜階敗羣者喘喘
自遠會黃金使者出責郡邑上礦大夫爭曰同故無礦
也已又責權稅大夫曰民貧安取權哉勿已請受稅額
而官輸之無聽惡少年聽惡少年再稅矣彼方就航虎
而翼也竟得官輸課無失額民不知權兩賜禱輒桴答
辛丑逐魃大夫暴畏炎中步往反數十里以雩如是者
既月魃迺斂虐治多暇則進諸生課藝文合者引對指
誘諄諄不倦仍拔其穎以風出陳庾穀斤置學田搜廢
觀田二百餘畝歸其租於學復用形家言建浮圖郭東
南隅負邑庠之勝眩誦競勸文獻益斌矣大夫愷悌根
心撫庶民有恩意最急單赤惻然惟恐傷之卽下戶人

註誤輒予輕比卽強有力人負而與細民爭輒坐之曲
諸創革深念務造永福可以有赫赫譽而未便於民而
不必爲可以無赫赫譽而便於民而不必不爲無論右
閭右左閭左奪所致於下而詭遇其上去之若浼卽令
趙張鉤鉅發摘大夫肩與易哉大夫治邑六年餘民戴
若一日而奔太公喪以歸歸之明年祠始落余方廬居
父老屬余記豈以大夫於祠無媿色而余故不輕然可
其言大夫當亦無媿詞耶夫世之塗澤耳目者尸祝相
望甚或去轅未駕而已儼然俎豆於社稷之間矣一祠
惡足重大夫然以吾邑民之樸不能以文事長吏而獨
李青岱祠在邑治東明萬歷陵寤祠瘞歟人乙未進士
者曷衷哉則徵諸士民之心矣士民心德之雖不亨于
官也吾必謂之良焉士民不德之雖其亨于官也吾必
謂之駁焉何也斯民也三代之直道而行也吾獨怪夫
下之所是上之所奪也下之所非上之所獎也是非獎

李青岱祠在邑治東明萬歷陵寤祠瘞歟人乙未進士

夫談吏泥

泉州府志

卷之十五

學校三

四七

奪四相反也將循良之吏解體而一切彌縫閉護之術
得志矣蓋吾于青岱李侯之去而咨咨慨焉夫同負山
阻海地瘠人稠閩南之劇也吾侯下車薄于贖鍰廉于
交際利病悉調寬嚴互劑舖行無所取讞鞫無所徇民
苦盜也爲之殲其巨魁民苦商稅也爲之蠲溪南之半
額民苦糧累也爲之減梵天奇江之加增民苦代旁邑
輸也爲之停嘉禾之倉穀崇綱常也而一歲之中節烈
數見清銅魚也而秋榜得雋者十人修廢墜也而邨梁
祠廟煥焉一新開三面之網也凡爭訟者聽其解伏而
官無所利焉蓋侯嘗勒正俗之編表康烈婦之墓葺朱
紫陽之書院行林茂貞之遺集皆不惜捐俸成之尤百
年風教之事古循良之所注意而俗吏之所不能爲也
癸丑入計以浮言鑄二秩邑民驚相告曰侯不來矣冤
哉誰奪我天者乎侯爲人坦中快性卽上官前伸眉論
列無所避讓閒有率見而行者旣或自悔改不少護惜
此乃侯之所以爲高而涉世之所微窒者歟嗟嗟小民
何知已饗其利爲有德聞侯畢觀後卽投牒而歸有終
焉之志侯年甚盛而施未究主爵者其舍諸異日所竟

何可量也曩者歲比不登侯至而三年大穰辛亥之秋甘澍應祈民曰侯得天矣相率建亭于邑東顏曰喜雨比侯去晚禾復枯民乃益思侯德即前亭為祠設侯位而尸祝之以獻臣嘗與修志之役而核侯燬政之詳者諸父老介上舍林炳葉濂陳士鸞來問記予不得辭也雖然何能文哉亦曰斯民也直道而行者爾侯名春開字晦美江西廣昌人丁酉以文魁其鄉青岱其別號云

熊雨殷祠在邑東郊五里明崇禎閒建祀知縣汝霖

蔡獻臣記

畧雨殷熊侯之涖同也餘五載其上計去同也且三載矣而生祠之營竣以戊寅秋諸父老謂蔡子宜有言余惟茲役也我同人之心德侯者深也蓋侯才高而識明心慈而風清而文章之華瞻記性之精敏種種超人一頭地凡事一入耳人一經目雖逾歲越月而姓名曲折胸中語次無不了了徵比有定限矣而閒寬其期故鄉貧民稱貸樂輸而鞭朴不事評訟解仇者聽矣而事情重大必須問斷者則鐵案舉筆立示而兩造咸服愛士

泉州府志

卷之十五

學校三

四八

憐才諸生有一善則畢力成之有一抑則多方白之童試卷且盈萬侯三較一一評閱故入彀皆佳士而遺取者帖然無譁侯執法嚴而用法恕性不欲置人死地即罪狀應辟者再三求其生路口且留待後之包君又侯非第饒文事而已同海中故有浯洲嘉禾烈嶼諸島而濱海離邑之地高浦鼎美皆數十里而遙時則有紅夷劉寇之警而侯凌風冒矢石率鄉勇而突擊之以故金門中左鼎美烈嶼之開夷舟遠遁而賊踪屏跡此豈攻鉛槧者之所能辦也侯文武才具大都若是宜其冠薦剡繫去思官評推為第一而士民有不永懷者哉侯祠在東郊五里王侯迴溪開府祠右而董茲役者孝廉盧君若騰侯閩闈所舉士也能熊侯諱汝霖字夢澤別號雨殷浙餘姚人崇禎辛未進士

鄉賢祠在學宮左名宦祠後

詳見上

計祀鄉賢陸拾柒位

唐謝

脩進士

陳

黯寓賢

宋陳綱制置發運使

蘇緘知邕州贈奉國軍節度使

蘇頌太子太保贈司空

石巨進士司農

許權進士

許衍建寧府通判

柯翰文公弟子

王力行理學

薛舜俞知金華縣

吳子斌肇慶府通判

許巨川象州守

邱葵理學

吳燧兵部侍郎

元顏應祐布衣孝子

明陳福山瀧水教諭

林啓攝祭酒事

黃偉刑部郎中

謝崑南京兵部員外郎

宋宜太常少卿知漳州府

蘇紳尚書

石賡大理寺丞

劉達同知樞密院事

林斐大府少卿

許衍布衣

許升處士

曾祕知漳州事

陳洽廣州通判

黃萬頃知州事

呂大奎吏部侍郎

王南一

劉志學進士台教授

黃廣德慶知州

周源兵部郎中

林希元海北兵備道

楊逢春雲南按察副使

泉州府志

卷之十五

學校三

四九

王三接 韶州知府以上俱據隆慶志

洪邦光 貴州按察使

李文簡 南京戶部郎中

葉明元 廣西參政

蔡貫易 浙江按察使以上據萬歷志

傅鎮 南京右都御史提督操江

劉存德 廣東海道

洪朝選 巡撫山東刑部侍郎

陳道基 南京刑部尚書

李獻可 禮科都給事中

林一材 廣西參政

王道顯 湖廣按察使

蔡守愚 雲南左布政

蔣孟育 南京吏部侍郎

柯鳳翔 兩浙都轉運使

葉成章 大理寺卿

蔡獻臣 光祿寺少卿

泉州府志 卷之十五

學校三 辛

劉夢松 江西按察副使

林應翔 湖廣副使

許獬 翰林編修

張廷拱 僉都御史

洪纖若 兩粵司憲

林一柱 廣東參政

蔡復一 五省總督賜尚書

劉夢潮 廣西副使

陳榮選 廣州府同知

李春芳 潮州知府

池浴德 太常寺少卿

林宗載 太常寺卿

國朝陳觀泰 儀封縣知縣以上據縣志

鄉賢尊祠附

蘇公祠在儒學教思堂後宋紹興閒主簿朱熹建已故永

相魏國公頌

朱子記熹少從先生長者遊聞其道故相蘇公之為人以為博洽古今通知典故偉

然君子長者也熙寧中掌外制時王丞相用事嘗欲有所引拔公以其人不可用且非故事封上之用此罷歸不自悔守益堅當世高其節與李才元宋次道並稱三舍人云後得毗陵鄒公所撰公行狀又知公終始大節蓋章章如是以是心每慕其為人屬來為吏同安同安公邑里也以公所為問縣人雖其族家子不能言而泉人往往反喜道曾宣靖蔡新州呂太尉事以為盛子不能識其何說也然嘗伏思之士患不學耳而世之學者或有所怵於外則眩而失其守如公學至矣又能守之終其身一不變此士君子之所難而學者所宜師也因為之立祠於學歲時以學官弟子拜祀焉而記其意如此以示邑人云

俊重建明成化閒推官柯漢改建明倫堂左知縣張遜

復移故處尋廢巡按蘇信推官譚鎧重建

信自為記畧宋太師魏國

泉州府志

卷之十五

學校三

至

公頌既沒而紫陽朱夫子治同安即邑學建祠宇記稱公能為士君子所難能嘗以公所為訊其鄉人且怪泉人往往喜談會宣靖蔡新州呂太尉事以為盛者深為不然觀此則公以正直冠泉南而祠之遄復于百世也宜哉嘉靖癸巳信奉命巡察于閩歷泉銀同儒官蘇子潤持譜來言曰先太師潤顯祖也名在宋紀祠若像在胡蘆山下既已蕪沒移主邑庠肩于厥父禮若不以序請更之予按譜蘇出光州固始自祖益入閩刺漳家泉一傳將軍光誨再傳知州仲昌三傳學士紳實生公晚以不附呂黨引去徙潤州葬丹陽其族蔓于閩粵信潮產也何敢謬尾名德以愧狄青第以宗賢在望仰止高山當與海內共之亟謀郡推桐鄉譚君鎧君明爽而練於事毅然為已任遂捐俸而改刻之三句役就像設其中俾縣官率其族家子世世祀焉予嘉譚君之義思表先烈以貽來者迺述史績而銘之銘曰蘇自固始遷于泉里光嶽磅礴丞相攸啓慶元登瀛顯于熙寧矢其神譽震臣直聲推刃血邪時三稱舍駁封詔麻于恤宋社左史有誦轉對元豐漢唐故事日沃四聰迨相聖哲百

察敘職邊密邊功深詆手實鄉里丈人不謁呂門神考
亟稱直道自存太子太師歷事四主親則無黨疎亦不
迕正道屹立萬仞絕壁祠于百世圯廢遄輯紫陽文公
表記推崇恥談會蔡彼然下風日子膺命爰來褒評尾
附名德敢愧狄青親賢在廟永天順閒縣丞劉珣器重
薦不祧式于邦人景行迢迢

修劉定之記公名頌字子容當王安石執政欲擢檢黨
而不輕用焉既以是忤王而繼王操柄能致士霄漢者
呂惠卿使來告曰公吾鄉丈苟能從吾言便可同升公
笑而不荅平生合志者廬陵永叔嘗為寮曰公處事精
審吾可不復省閱眉山子瞻嘗為寮曰見公文德殿為
三舍人之冠陪公邇英殿為五學士之首雖凌厲高躅
不敢言同而出處大節無甚相異可謂時不合而合于
賢焉公之先君紳造迹玉堂而公踵武然公尤操行潔
特學問該博蓋頌之獻替踰於其父環軾之波瀾宏於
其文洵蘇有宗風子光乃考公豈不為孝乎公拜相以
元祐壬申夏其罷以明歲癸酉春踰年而紹聖紀元新

泉州府志

卷之十五

學校三

五

法復用羣奸起象正仆然則公進焉匡朝寧邦退焉先
幾知止公豈不為忠乎凡是四者公可謂君子也昔者
紫陽朱文公簿同安嘗飭公祠廢不復存予見公邑士
族裔每問其遺跡莫能知為之歎息今其邑貳令永新
劉珣器謀欲重構之珣器由賢良舉明練政務既修
文公舊所居高士軒乃及茲良可嘉也予為之記
後復廢

林次崖祠在朱子祠內祀明理學大理少卿希元

明蔡獻臣與李

碧海屯道論配祠記次崖先生為吾同先正存疑二書
佑啓後學新政諸疏翊贊中興蓋卓然正嘉閒名臣從
享紫陽者矣乃烈垂百代而裔立四壁天之報施名賢
其何如哉先生祀業僅僅一園一海而園樹海稅大率
多質於富室之家而果頑佃之腹甚至歲時蘋藻之薦
有代辦於他姓者竣事則徹以去嗟乎馬醫夏畦之鬼
不饗非類矧先生乎適少府臨海何公來署吾同獻臣
以告而會孫諸生篤因得請於何公嚴立約束以示永

永而寯復授之稗使其後人無忘何公之德而勿替先生之祀其有功於儒脉甚大繼今以往錢虜晚進輩其敢染指一菓一錯以獲罪於名教而先生之後人不勉自撐豎輪修祀典使君子之澤斬為若敖氏之餒則先生陰譴之而賢師師明罰之可不懼哉

蔡元履祠明崇禎閒建以祀司馬總督復一祠名正氣蔡獻

臣引語絳灌無文隨陸無武兼是二者古人難之矣矧亭亭獨上種種備美所謂殊絕人物者非耶吾同故右司馬中丞總督四省元履蔡公天植忠孝神授英畧思啓行翼志銳氣剛目所經涉口輒成誦意所欲言筆如有神方當弱冠之年聯占魁名之選起家比曹旋長庫部輕重明允淑問獻播俘之囚出納周慎清風洗閑富之誚作屏荆南移憲湖北刑名錢穀蠹必剔而弊必釐咄嗟顧盼餉無逋而位無譁既以計吏之異等賦政中州旋因直道之忤時堅還初服薦剡交騰畿輔載起乃正左轄於汾晉超拜中丞於鄭襄首陳久任之規茂著

泉州府志

卷之十五

學校三

三

撫治之績時惟奢安煽亂帝睠西南半壁督府宏開賜雄劍以專征四藩節制虔秉鉞而臨戎忠勇奮發賞罰嚴明滇雲之道旣通行李無虞陸廣之河若塹苗獮潛遁首功已奏萬餘乞降亦復至何期功垂成而將星中殞豈真亂未厭使斯人無年惟帝念功申卹命於宗伯百身何贖齋壯志於鬼方可謂社稷之勞臣文武之兼資矣最厥生平尤稱完懿逖覽則胸羅百氏鴻裁則文擅一家雙親繼頌泣疏終六年之喪同生二人篋藏無私錢之入創宗祠而俸分贍族歷膺仕而家徒四壁與公府言何嘗及私而持石畫必有碑於桑梓抵政府書不為修問而效忠言特無嫌其苦勁如公者誠宇宙閒大奇男子非滄溟毓秀太武炳靈不可得有也故侯代之日土司乞留聞訃之辰朝野同悲而年僅知命兒同伯道猶為私憾矣泉先正如襄惠張淨峯大理林次崖故特祠於鄉公之文章事業忠孝廉節真不相上下祠曰正氣斯稱情哉嗚呼哭公為天下也非以私祠公彰令德也所以教是紳衿閭巷之公舉也夫

忠義孝悌祠在學宮旁

國朝雍正四年奉文建內祀神主壹拾伍位

宋蘇 緘 邕州刺史贈奉國軍節度使

呂大奎 吏部侍郎

明陳 顯 德州知州

范 方 戶部主事

郭寅日 平陽府同知

黃岳竄 英德縣尉

葉秉乾 死難義士

胡有耀 贈州同知死難義士

元顏應祐 孝子

明張宏綱 孝友

吳德范 西安知縣孝子

王肇禎 孝子

黃俞叔 孝子邑庠生

泉州府志 卷之十五

學校三

五十四

國朝辛肇姬 孝子邑增生

林化衷 孝子以上皆據學冊

節孝祠在學宮旁

國朝雍正四年奉 文建內祀神主二十三位

明貞烈二娘吳氏

貞節蔡宗德妾楊氏

國朝節孝陳琦妻胡氏

節孝陳衡卿妻貞勤葉氏

節孝陳宏驥妻鄭氏

節孝陳家相妻胡氏

節孝葉在繪妻鄭氏

此名縣志列入廣善並無守節字樣

貞節蘇吉卿妻洪氏

節婦顏德妻鍾氏

烈婦黃興妻莊氏

節孝葉志道妻李氏

節孝張鑄妻蔡氏 貞烈陳陣郎未婚妻寬舍紀

氏 節孝陳渤妻周氏

節孝蔡元桂妻蘇氏 節婦顏最觀妻李氏

孝節顏文高妻劉氏 貞烈郭定紹妻 節葉氏

節婦劉運應妻林氏 貞節郭朝藩妻馬氏

節孝陳蘇來妻林氏 節孝洪賜妻楊氏

貞烈紀四郎妻五娘蔡氏 以上皆據學冊 ○案溪同 二邑崇祀列女多有未經

旌表者於例頗有不合但為 縣志學冊所有姑為仍之

書院社學

泉州府志 卷之十五 學校三 五五

文公書院在大輪山梵天寺後舊在學宮之東元至正元

年縣尹孔公俊建請額于朝賜名大同前 先聖殿後祭

子祠復購租以贍士 林泉生記孔君師道尹同安之明 年政平民信乃謀其邑之人曰昔

先正朱文公主是邑薄民至今稱之今國家表章理學 凡文公舊所誦習之地悉為立學設師弟子員閩中最

盛同安稱闕焉非所以致尊崇也吾將興舉墜典何如 衆欣然曰唯命乃卜邑學之東偏相士之剛度材之良

宏宇峻陞列庶崇堂建禮殿以奉 先聖作戟門於殿之 外又外為櫺星門殿之後作別室祀文公以鄉賢樸鄉

呂先生大圭配講堂齋序如邑學既成名之日大同書 院泉郡上其事於憲帥二府適覃懷許公為閩海憲使

帥為上聞請額於朝以列學宮邑人榮之他日師道遭 儒紳張與學以書來求泉生記之予嘉其能因民所尊

信者而興學立教有循吏之風記之不辭按傳文公弱 冠登進士第授同安主簿即從延平李先生問學往復

從遊者十年盡得濂洛要領篤信力行悟契古道在同
安教人必以格物致知爲言蓋斷然以聖賢之道自任
人亦斷然以聖賢之道期之今去之二百年矣予嘗過
同安觀其所謂高士軒者文公之所作也古老相傳弊
則必葺俾勿壞同安多古碑刻凡朱子所撰述者邑人
能成誦之彼豈爲虛敬哉誠之感人者久而不泯也不
然薄之爲官微矣何二年之績有百年之思乎余嘗讀
朱子之書而得其所用心者則歎曰嗚呼心公天下學
資後世宜其身沒而道彰世遠而言立也夫孔子之道
至孟子而無傳兩漢以來學士大夫孰不欲爲聖賢哉
窮理盡性之無其師則知者立異愚者昧焉大道荒聖
門塞則強者爭岐柔者畫焉寥寥千有餘年天生周元
公於春陵生二程於河洛生張子於關中相先後以爲
師弟朋友傳心講道上繼隆緒燭幽啓鑰盡破羣疑孔
曾思孟久湮之言一旦曠鑄行乎天下天下始知聖賢
之可學六經四書之可信也觀太極圖通書易傳西銘
等書皆極性命道德之蘊非東周以後之交也四子之
有功於斯道也大矣及龜山楊氏載道而南再傳而得

泉州府志

卷之十五

學校三

三六

朱子朱子又有功於四子者也蓋慮四子之書廣大宏
博初學不知所入嘗與呂成公采周程張子之言作近
思錄聖門近思之教至是始發之朱子之序有曰使窮
鄉晚進志學而無師友者得此而玩心焉亦足得其門
而人矣嗚呼卽斯言也可以見朱子之心矣夫天之生
人無窮而生聖賢則曠千載而一二焉人不可一日而
無學聖賢不可待而師也朱子有憂之故述古成書擴
前聖未發之蘊開後世入學之塗使聖賢不生志道者
得由書以悟入非小補也嘗慮人無小學之功遽入大
學矯揉致力鮮不懈矣故作小學書使洒掃應對之童
服習忠信孝弟之教禮閑情欲學變氣質則其成材也
易又慮學者以大學爲大不可升以中庸爲幽深源遠
不可能以聖賢爲天資之高不可到則亦自棄而已矣
故作四書集註章句或問使學者持敬以入大學則格
致誠正修齊治平皆一理也由謹獨戒懼以入中庸則
始於日用常行無過不及及其至也天地位萬物育焉
學顏子者自無閒斷始學孟子者自求放心始故切切
以爲訓使致力於是者知聖賢可學而到也不惟此耳

其他凡所著書欲學者以約得之則用力專而成功易吾黨小子受其成簡可以進道敢忘先儒用功之勤乎予所謂心公天下學資後世者此也今朱子之書布滿天下而戰國秦漢後百氏靡言不攻自廢天之與起斯文必自此始因同安尊崇朱學故詳爲之言或者因子言而有得焉不徒祠而祀之爲崇也師道名公俊孔子五十三世孫也閩海憲使魏國文公之孫從宣也聖賢之後克濟世德又於是復見之可以書書院作於至正十年之夏成於十一年之秋記於十六年正月邑諸生王芳孫謝宜翁孔克原郁璋邑吏林英皆服集事附列記後燬于寇明成化十二年知縣張遜重建于縣東

門中扁畏壘庵

即朱子作簿寓居舊名詳見古蹟趙珣爲記大同書院舊在學宮之東元至正

閒邑令孔公俊建之以祠紫陽朱先生致其尊崇之意以起學者瞻仰之私一經兵燹廢而莫舉寥寥幾二百年于茲矣成化壬辰無錫張侯來合是邑始至按圖考跡慨然以崇廢起墜爲已任先捐俸重刊先生大同集

泉州府志

卷之十五

學校三

五七

之漫漶者越三年乙未政行教洽遠近悅豫乃謀之衆曰惟晦菴朱先生道德功業著于古今雖庸夫愚婦所共知也矧爾有同實惟先生游宦之地其德教之在人心想未卽忘而書院一廢不復可乎僉曰惟賢父母之命是聽侯爰相隙地涓時日庀工備斲柱礎運陶甃重建書院三閒前三閒爲儀門又前一閒爲門樓中堂退後扁揭慕馨以寓景仰之意後一閒爲畏壘菴像設先生以祠於中舉還事而壁書其記門廡房垣翼然燠然規制一新費不繁而民不擾士用豫康歲聿丙申巧梓訖工張侯置酒屠牲以落之行釋奠禮畢同之士民私相謂曰惟昔文公朱先生嘗簿是邑其善教之淑人心至今弗諼今我張侯之賢治道有本政教兼舉一以化民成俗爲心其思蹈先生芳躅者歟乃謀紀其功而垂之永遠適子遷職便道南旋邑秀士洪敏林宗致書以紀是屬惟夫子之道在六經其綱領在四書去聖遠而說益支道益晦天啓有宋濂洛關閩諸儒出而說之支者始合道之晦者始明然學者猶未會其指趣之一至朱子出辯訂訓釋務使聖道愈明人心易曉大學中庸

則有章句論語孟子則有集註小學有書以爲進德之
基本近思有錄以爲入道之門戶折世學之繆辯異學
之非天下學者翕然知有所歸其理明義精養深積盛
充而爲德行發而爲事業徹人心洞天理達羣哲會百
聖粹乎洙泗伊洛之緒其爲世道繫也深矣而非其鄉
非其寓咸建書院以祠之矧過化之邦哉然爲有司者
必知道方能以教化爲首務張侯是舉其知本末先後
者矣侯字時敏以鄉貢進士出身爲泉屬七邑令首稱
云後復鞠爲府館嘉靖閒邑人林希元請于督學邵銳
遷建今所知縣劉裳建瞻亭推官葉遇春建畏壘庵工
未竣而罷後邑人洪朝選又請于督學朱衡知縣彭士
卓成之林希元記昔朱文公同簿旣去而人思慕之乃
於學宮之東闢地建屋前奉先聖後祀文公制
如邑學賜額文公書院其時前元至正歲庚寅其人邑
令孔公俊其額海憲使許公覃懷爲之請也至正甲午

泉州府志

卷之十五

學校三

辛八

歲學宮書院悉燬于寇國初洪武己酉歲邑令呂侯復
仍以書院舊址重建儒學別祀於學宮之西成化壬辰
歲邑令無錫張君遜又擇地於東門重建文公書院前
爲講堂刻公神像於退軒扁曰畏壘庵蓋用文公在時
假寓民居之號以致思慕之意其制雖異於舊其爲學
者藏修之所一也無何後無良有司書院鞠爲府館人
有遺恨予思昔文公守漳建書院於開元寺禪刹之後
題其門曰十二峯送青排闥從天寶以飛來五百年逃
墨歸儒跨開元之頂上公非航山川之勝也其用意深
矣同文公始仕之地梵天又其時常遊詠之處故子用
文公故事欲作書院於禪刹之後以補東門書院之闕
未有任其事者旣而學憲康僖邵公銳至予告之公欣
然乃相與登梵天訪文公舊跡歷方丈戰龍松至瞻亭
石命席中坐四畔諸峯皆會公顧邑令安福劉侯裳曰
次崖之議子其成之侯乃命工庀石當坐處作亭臨文
公瞻亭二字於上將作書院而改官去其事遂寢嘉靖
癸卯歲郡詳刑太倉葉侯遇春視篆同安予以告侯毅
然以爲已任乃商工鳩材慮制當寺後建書院其制如

前移文公刻像於畏壘庵供奉加嚴焉工既出水而侯
去自後縣官屢易未有卒其業者壬子夏學憲鎮山朱
公考校至得南勳部洪郎朝選之書乃特加意率予往
觀慨然興嘆責成於邑令番禺彭侯士卓乃召匠興工
命巡檢李余巽董其役予時臨觀之兩閱月而功告成
登堂四望背若負辰前若凭欄一水腰環如帶兩峯齊
出如車輪同山東峙西山夕照同之山川惟是專其美
焉文筆三峯秀出於其北天馬金鞍寶蓋三山森列於
西南鴻漸東翔而倚天表蓮花西吐而插雲端大海前
襟島嶼出沒如畫圖凡同有名之山咸於是獻其美焉
天地之化四時相禪於無窮山川景物因時而變無盡
狀亦無盡觀經營之始不圖其勝之至於斯也予聞君
子之學有藏修有游息咸取助於山川杏壇之教舞雩
之遊沂水之浴武彝九曲之歌皆其著者滕王之閣岳
陽之樓醉翁之亭山川非不美也不過供遷客騷人之
遊詠與增其悲喜云爾於學者奚補斯院山川之勝視
南昌岳陽瑯琊咸不相讓視天寶之十二峯又似多之
其於學者之藏修游息所助不少寧不繼美考亭上望

泉州府志

卷之十五

學校三

五九

洙泗也歟子有感焉今老子釋氏之宮廢其徒僕僕焉
極力以營之不恤其窮與苦吾徒讀孔氏書以取富貴
當民社之寄不費已之財力視其宮之廢而不省亦獨
何哉斯院之作前朝賜額比凡不同自文公以來歷年
四百作者僅二人再廢莫興葉侯倡之而莫與和之闕
八人十閱歲至鎮山公而始成今計其費所用不過白
金十六視前費僅十之一耳而莫之肯任非遇鎮山公
寧不廢爲墟莽也予喜公之興學作人繼往開來拳拳
之美意咸於是乎在予忝初議喜其功之成方頌公之
美既而縣令與邑簿徐君正敘文學陸公佺等以記請
乃備其興作如末勒之于石一以存文公之
跡于不沒一以志鎮山之澤於無窮焉耳
隆慶初知

縣王京建仰止亭增築書舍

洪朝選記出東門里許有山焉自東北而來盤礴蜿

蜒勢如車輪以其形得名故謂之日大輪山山之麓浮屠氏之宮據正心始爲叢林時有七十二區其後既併爲一則其地愈拓而其規模氣勢務與山相稱故其宮殿巍我層樓傑門閣靚深庭除廣殖肖神之像說法之

堂棲徒之居縉宮之垣靡不雄壯鉅麗擅一邑之觀宋熙寧中始賜名梵天寺圖經所謂興教者始名也循寺之西廊由選佛過祖祠躋石徑而上造其巔平曠夷衍可坐數百人由巔而望向之巍峩雄壯反在其下邑之東西諸峯羅列環拱獻奇効秀大海出於東南巨浸稽天洪波浴日風雨晦明殊狀異態漁帆商舶隱見掩映海外諸島南連窮髮東際六魚若有若無近則東西二溪流出於平曠綠野之閒輪會大海咸在几席之下數百年來無人發之嘉靖壬子今大司空萬安朱公衡始以督學副使至余時爲南司勳移書告公以朱文公會爲同安簿職學事而嘗遊止於此山今寺中尚有其詩與字謂宜構書院一區以祀文公而俾邑之士子藏修其中庶可以講先賢遺風於不墜且其功已有緒木石瓦甃已具而始事之人代去若遂其前功則財不甚費而於學者有益公欣然任之由是前堂後寢煥如奕如移畏壘庵之像主祀於寢中配以呂大圭許順之二先生中爲講堂外爲門扁曰文公書院來學者常數十人莫不遵行文公之教而歎公之能發茲山之祕以嘉惠

泉州府志

卷之十五

學校三

卒

來學者也隆慶戊辰上高王侯適來令茲邑登茲山之巔進謁文公顧大圭順之二先生之神主宜別度而乃棲之文公之几上爲非禮則命設二几而併新文公之几余時方以致政家居謂若增修書舍十餘閒使學者得有十餘人誦講其閒於興起學者爲切侯聞而是之市材募工委官董治踰三時而書舍成侯猶以爲未足於書院之上構亭名曰仰止以爲學者游息之地於是士子入而休於書舍之中則有以究遺經習故業出而登於斯亭之上則有以仰前修企先烈掌教吳川林君伯表分教北溪蔣君喬華新會譚君文郁嘉與士子樂育造就感侯之誼謁余記其事余惟自老佛之教興凡天下名山水率見據於二氏其尤名勝佳絕之地如太華衡山匡廬天台精廬道院無慮以百數然石鼓岳麓白鹿天台書院之名亦聞於天下則書院之設其來蓋遠而未嘗不在於名山水之區何其符也蓋學雖在人若其舒發性靈收斂身心取則於山取象於川其於山川不爲無助焉及其敝也以嬉廢業以俗妨正以似亂真反不如二氏之專精苦行能竊山水幽寂之意以資

其學成其道夫古之教人使習其手足於舞蹈養其耳目於采色聲音範其身心於盤盂戶牖凡性之偏駁心之好惡靡不有法戒防禁而尚有不克成材之懼今古人之教一切皆廢而獨使之藏修於山水之區以全其純一不二之真機發其周流無滯之妙用顧復不能然則何以成德達材而底於古人之歸也吾邑之山雖不能如太華衡岳匡廬天台之勝而書院者據高處僻遠去城市之喧囂專有泉石之佳致於學者甚宜而文公者鄉之產也祀於其中又有合於國故之誼誠使士子之來學於斯者能思文公之所學者爲何若立於朝者爲何若仕於州郡監司者爲何若退而處於家者爲何若朝夕相與切磋精思力行務有以追前賢之遺風然後足以稱賢有司建立作養之盛心若徒色取而行違言似而心非高者剽竊文義掇習語言以資科第榮身家下焉羣聚以嬉此則凡民之不如雖興起之猶爲不能也何足稱曰士哉王侯才高學博下車以來興廢補敝振幽拔滯其善政多矣而於養士作人尤爲孜孜歲時立會課文具有成規可循可因當興此役之時禁令

泉州府志

卷之十五

學校三

空

新頒一錢以上搵手觸禁俟錙積銖斂麻緝縷續工以告就費不及民是可書也凡書舍十四間亭爲一區王侯字來觀別號咸虛江西上高人隆慶戊辰進士督工者爲巡檢謝廷詔吏吳仕達老人董望伯云萬歷

閒知縣李春開修

李光縉記文公發明孔孟之道學以居敬窮理爲宗其書切近而精實明

白而易曉使天下後世遵之今自王公卿相下至宿儒童蒙何人不讀文公之書守文公之訓奚獨閩人然自文公始仕入同而尤爲過化之地其後刺史清漳徙居建陽文公之學遂以閩名列於周程張四夫子之間曰濂洛關閩而閩人至今守其學尤恪則同之祀文公謂畏壘可謂桐鄉可謂祭先哲於社可是宜其書院不第廢雖旣廢而復興也林先生推文公佛教歸儒之意而梵天與開元並設講所亦欲使人知朱氏學爲孔孟正脉而西方佛盛不至於鄒魯同壇耳乃蝕文公之教者不在於緇黃涅槃之輩而反出縉紳道學之口自良知之說興人希頓悟之學至有廢格物窮理爲不足事者專門裂戶異說競新往往自託於紫陽之忠臣而文

公之註箋幾為掩抑但使上士覓之無可據之地而下
士茫乎莫知所適從入室之艾竟與社稷而俎豆者果
孰為得也吾又以知林先生之見卓矣時有沿革事有
與廢而惟山川形勝與道脉為不壞大輪山如故文公
之事遺跡如故可憑而弔亦可步而趨然當書院始議
時有林先生倡於前一二學使者主於後是宜其易為
力然猶築室於更令停閣於數年然而莫肯舉舉而不
即成今李侯一動念耳不煩民力不費公帑捐數月之
俸新六十年未葺之規令林先生而今日在當何如其
樂觀厥成矣李侯雅意興文以經術飾吏事簿書之暇
與諸生講說經義士斌斌向風為政多遵古法
而茲尤其明正學之大者不可無記故記之

國朝康熙二十七年知縣徐名觀邑人陳睿思重修扁道
化斯存于堂五十二年知縣朱奇珍邑人顏孔輔修葺
額登山觀海于上乾隆十七年邑人洪敬璜等重修

泉州府志

卷之十五

學校三

空

記同安為朱子始仕之地既去而人思慕之不忘宋嘉
定閒邑令毛君當時爰建文公書院於學宮之東歷元
明興廢不一邑先正林次崖先生倡議改建於大輪山
梵刹之後厥功未成至嘉靖王子學使朱公衡責成於
邑令彭君士卓始克峻事其緣起本未具詳次崖先生
記中隆慶戊辰邑令王君京加意造士乃增置書舍十
餘閒旁復構仰止亭以為多士藏修息游之所邑人少
司寇洪公實憇息之其形勢之壯觀樂育之雅意洪公
記之尤詳後亦遞興遞廢迨國初寇難未平日就傾
圯甚且有以佛像障蔽其前者閒雖偶有修葺惟是補
苴罅漏而已乾隆壬申風雨大作院宇飄頽殆盡於是
明經洪君敬璜陳君思敬秉禮日擊心傷慨然以修復
為己任越明年冬迺鳩金庀材相邱宅土即寢殿舊址
而增高之中祀朱子左右配以鄉賢許呂二先生繚垣
宏敞庖湍畢具前闕講堂亦視舊加峻別構書院七閒
旁作二小亭中稍低之環以石欄數十丈觀者拾級而
登憑欄一望同之名勝呈奇聳秀近而廈金二島遠而
臺澎大洋靡不歷歷在目誠巨觀也書院之建以為多

士藏修息游之所也朱子有云今日科舉之學雖聖人亦不能外諸生誦法朱子且不必高言心性卽就科舉之學而論亦必以文會友互相劘切以底於成未有索居寡偶輒能弋獲者茲者書院號舍旣廣天高海濶可以開拓心胸况以朱子臨之在上自不敢流爲放佚諸生樂羣敬業以時誦其中旣有典型之式復有觀摩之助聳壑昂霄拭目可俟若第以供遊人登眺朔望使釋子司其香火累月經年足跡罕到講堂塵積書室雲封後之視今亦猶今之視昔安知不又蔽以佛像也耶余嘉洪陳諸君是舉且懼後來寢以廢墜也於是乎言○按隆慶志載同安書院三曰大同曰浯江曰文公書院今考文公書院在大輪山因大同旣廢而建至浯江書院在浯洲鹽場司之西元司令馬公建有租贍士後廢而萬歷志載浯江于文公書院下誤

雙溪書院在縣治東明侍郎蔡復一故宅

國朝乾隆二年知縣唐孝本建中爲講堂三閒後造層樓

泉州府志

卷之十五

學校三

奎

上下各三閒樓上中祀文昌神左卽以祀復一

又清查港頭侵

沒學田三十九畝五分零早晚二季稻租各八十四石
康榕保地稅四兩七錢充入書院除完稅外以供掌教
脩脯諸生膏火春秋祭祀及修葺院宇甲頭館夫諸費
乾隆癸酉知縣明新復屬邑紳莊仰旻於樓後空地續
建書舍一座五閒恐輜軒不時
憇息院中以爲生徒退避之所

玉屏書院在廈門城內

國朝乾隆十六年分巡道白瀛建延師集生徒肄業其中
置田一十二畝零生息銀三百兩及屋租爲師生膏火

資

紫陽書院在廈門朝天宮後

國朝雍正二年建四年同知馮鹽拓建前祀朱子後為生

徒肄業所

鳳山書院在縣西鳳山

國朝乾隆十一年知縣張荃建

何蘭記由銀同而西透迤五十里許有地曰灌口為

人烟幅輳之區邑之文物寶會聚焉其地有山延袤綿亘如鳳展翅因名曰鳳山乾隆丙寅歲邑令滇南張公以名進士出宰行部莅止覽茲山形勝之奇雅欲崇建書院以興文教爰屢廣文王君三錫孝廉陳君連榜倡舉其事乃醵金庀材蠲吉經始迄今甲戌歲告成計費金錢千餘貫堂皇宏敞門牆整愜絃誦之室庖湏之所莫不咸具顏曰鳳山書院中祀梓潼文昌帝君神像從張公意也復奉朱子神牌於前則以斯地為朱子過存所及也既諸紳士謀勒石以垂永久適余司教來同屬為文以記之

泉州府志

卷之十五

學校三

六

舫山書院在縣東馬家巷

國朝乾隆十一年知縣張荃建

何蘭記同邑東西有巨鎮二其在西者為灌口在東

者為馬家巷均屬人物輻輳烟火稠密之區乾隆丙寅邑令昆水張公荃以同為紫陽朱子過化之地倡灌口諸紳士建造鳳山書院以祀朱子復以馬家巷之通利廟為朱子簿同日豫卜此地之富庶而名謀之里人即於廟後建傑閣三間中安朱子神像其後以祀梓潼文昌帝君屬職監林芳德獨肩其任計費金錢五百餘緡既落成張公勒石以記之余嘗一過其地瞻拜之餘憑欄而望北通三秀南面香山美人西來鴻漸東拱同邑諸名山莫不四面環列復有蓮坡諸水襟帶左右浮光耀景浩乎淵乎誠大觀也比年以來茲土人文駁駭蔚起時就閣中論文拈韻爰亦稱為書院而顏之曰舫山以茲土地形有似於舫亦猶同城有似銀錠遂以稱為銀同云爾

正音書院在朱文公祠內

國朝雍正七年奉文設立

擢賢社學

在北門內

桂林社學

在縣西北隅胡廬山下

福星社學

在庫內巷

藍出社學

在同禾里

白礁社學

在積善里

湖山社學

在翔風里

平林社學

在翔風里

丹砂社學

在翔風里

劉山社學

在人得里以上今俱廢

灌口社學

馬家巷社學

金門所社學

廈門所社學

已上俱國朝雍正二年新設

泉州府志

卷之十五

學校三

六十五